


二六



二六

二六

天順元年
乙三年

自晉書起至宋書止一列也
劉去瀾

國權

丁丑天順元年

正月壬午

上皇復

即皇帝位

初在南宮

重門內

前後兩殿

庶

甚秋隘侍衛簡寂膳自竇入楮筆不多給悲其通外也

錢

皇后至刺繡出買外家微有所進以供玉食其樹石移建隆

福寺迨

景帝疾甚太監王誠與大學士王文等謀迎立襄

王子未定群臣且上章求立

太子總兵官太子太師武清

侯石亨右都督張軌張輓太監曹吉祥謀請

上皇復辟以

鹽官談遷孺木著

語太常寺卿許彬彬曰社稷功也雖然彬老矣徐元玉才有
膽盍圖之己卯亨等夜過左副都御史徐有貞有貞曰太
工出狩非以游畋為國家耳南宮雖錮民無離心奉以復辟
天人同符在此時也亨曰兩日前密啓南宮未報也辛巳夜
亨等復過有貞有貞升屋步乾象曰可矣在今夕相與密定
計有貞曰今騎薄都城公總兵也莫若名備非常納兵闕
中皆曰善遂倉皇出有貞語家人曰至旦不聞耗若盡自裁
也會曹吉祥及靖遠伯王驥左都御史楊善戶部侍郎陳汝
言等至長安門下門開亨等以兵千人人有出入者輒呵止
之宿衛皆驚有貞收諸門鑰投水甕中曰倘中外夾攻事去
矣時夜晦衆惑所向有貞曰時可矣勿退亟薄南宮門錮俄
隱、有開戶聲使數人舉大木衝門勇士踰垣入毀之城中
黯翳軌等入乃燭上皇燭下獨出曰爾何為衆皆俯對請
復極揮士進輦、皆驚顛莫能舉有貞挽之前擁上皇登
遂夾輦行天忽開朗上皇顧問有貞卿等為誰各具官對
昇導入自東華門、者呵之、上曰吾太上皇也遂翼升
奉天門諸臣推御座門中上升座鳴鐘鼓始辨色群臣以
景帝視朝入候間南城呼譟惶懼俄有貞等大呼曰太

上皇帝復位趣入賀群臣錯愕就列事俄頃定景帝問鐘聲知故曰兄為之甚善朝退上御文華殿命徐有貞兼翰林院學士直內閣召諭陳循等循等與有貞草宣諭上覽訖頒午門外諭曰朕居南宮七年安今勲戚文武群臣咸赴宮門言會皇帝不豫四日不朝中外危疑固請復即皇帝位朕辭不獲請於母后諭令勉副群情以安宗社是日即位禮部其擇日改元詔告天下群臣聽諭早各朝服奉工登奉天殿行即位禮日申矣

談遷曰

景帝不豫自

上皇復辟理也第乘其瞽廢出

於大將之潛計似兄弟間狗曠林之戈耳武清侯稍不及周勃徐有貞眎劉繼來則大過之矣其畫策稱兵騰略誠非常蓋豪傑之士耶

執少保兼太子太傅兵部尚書于謙少保兼太子太保吏部尚書謹身殿大學士王文於朝及司禮太監王誠舒良張永王勤於禁中並下錦衣獄時謙等聽宣諭甫畢也

太常寺許彬為禮部右侍郎兼翰林院學士直文淵閣

癸未左副都御史兼翰林院學士徐有貞為兵部尚書兼秩視事如故

召太子太保安遠侯柳溥廣寧伯劉安都督僉事毛忠
定襄伯郭登上一事曰改元立東宮曰勳楊善曰靖遠伯王
驥雖老可兼領兵部曰乞還安遠侯柳溥陞右都督張軌會
昌伯孫繼宗同管兵部曰錦衣百戶袁彬可指揮管事指揮使
孫顯宗佐之曰權前給事中林聰葉盛大理少卿廖莊御史
倪敬左鼎禮部郎中章綸等以旌直言曰詔書寬恤盡罷湖
廣征苗兵曰撤添設巡撫勸農清軍脩河備運等官除有司
供費上曰石亨柳溥張軌楊善朕自計之孫繼宗顯宗外
戚不預政巡撫等官如舊餘行之袁彬進錦衣衛指揮僉事

甲申各給事中劾王文于謙內結王誠舒良張永王勤外連
陳循江淵蕭鏊商輅等黨朋奸逢惡近有異圖欲召外藩情
實顯著且王文黨古鏞丁澄于謙黨項文曜蔣琳及俞士悅
王偉輩皆邪佞乞誅其一二餘悉屏之各道御史亦劾士悅
等及右通政殷謙侍郎張敏宋瑛通政使藥暉少卿陳贄
上未悉問

大理寺卿薛瑄為禮部右侍郎兼翰林院學士直文淵閣左
都御史楊善薦
石亨請肅朝儀從之

都督僉事張義下錦衣獄株及署都督僉事都指揮同知王
英俱杖戍騰衝衛

永清左衛指揮同知黃翰竑子下錦衣獄戍萬全右衛
逮寧夏莞神統內官高平雲南內官閻禮柳州衛千戶盧忠
并籍其家

閣部府院大臣俱辭官銜從之

乙酉科道復論陳循蕭鏊高輅俞士悅江淵王偉黨比王文
于謙命群臣廷治之

禮部祠祭郎中蕭璠為右侍郎戶部江西司郎中陳汝言為
右侍郎俱迎駕

丙戌遣告太廟三陵長陵獻陵景陵

詔曰朕昔恭膺天命嗣承大統十有四年民物康阜北為
變朕念宗社生靈親率六師以庶弟邠王監國不意兵律失
御乘輿被遮皇天悔禍首格心奉朕南還監國之人既無
復辟之意反為幽閉之謀旋廢皇儲爰立己子惟天不祐未
久而亡杜絕諫諍失德良多朝政不臨人心斯憤今月十七
日朕為公侯駙馬伯及文武群臣六軍萬姓之所擁戴請
聖母皇太后祇告天地宗廟社稷以其日復即皇帝位其改

景泰八年為天順元年大赦天下咸與維新所有事宜條示
於後云於戲多難興邦高帝脫平城而肇漢殷憂啟聖文
王出羗里以開周天地既復於其正人心由是以咸安洛爾
萬方臣民同秉忠誠會歸皇極弼予政理永享太平

封石亨忠國公祿千五百石張軼太子侯祿千三百石張軼
文安伯楊善興濟伯祿千二百石皆世襲

召鎮守大同內官輩力轉右叅將都督僉事石彪

校尉遠泉縛錦衣衛百戶楊瑛以張永姻且善舒良下詔獄

丁亥遷太廟孝肅皇后主於別室

錦衣衛帶俸指揮僉事曹欽為都督同知太監曹吉祥嗣子

吉祥姪鉉及太監劉永誠姪孫聚蔣冕弟成業兄成達俱錦

衣指揮僉事世襲皆迎駕

召鎮守遼東太監宋文毅以太監范英代

殺少保兼太子太傅兵部尚書于謙及大學士廷文都督范

廣太監王誠舒良張永王勤籍其家子弟皆戍邊大學士陳

循尚書江淵俞士悅侍郎項文曜成鉄嶺衛大學士蕭鎡商

輅侍郎王偉古鏞丁澄削籍初群臣雜治王文等言謙與王

文江淵及王誠等景泰中同故都督黃瑛構成邪議更立東

宮尋復逢迎廢黜汪后陳循蕭鑑商輅不能阻又附之謙
文學用項文曜王偉古鏞丁澄等樹黨行私比因景泰皇
帝不豫廷臣請儲而謙文誠良永勤意欲外向已見群情迎
復皇上乃圖糾合逆旅欲擒殺總兵亨等循鑑輅士悅偉
鏞澄文曜俱知不告言生謙等謀反當磔循等知情故縱斬
學士薛瑄請輕之乃命斬謙等請循等謙字廷益錢塘人永
樂辛丑進士授御史從征漠度人數其罪稱旨久之進行在
兵部右侍郎巡撫山西河南十一年甚有遺愛正統丁卯還
部已已北變進尚書主戰守絕和議吐論斷制宿將欽伏石

亨因銜之方誣獄左都御史蕭維禎青簿對曰而何外求君
王文曰籒玉非金符不召金符藏內府安從得之爭之急謙
曰無庸彼不論事有無直死我耳獄具上憐謙功未忍徐
有貞前曰今日不殺謙事無名遂決其歷事三朝知無不言
識達大體毅然任天下事未五十喪妻不娶門第蕭然不容
私謁政務旁午日上章上數累千萬言揮筆立就當世歎其
才然矜傲自用過勲庸國戚若嬰稚視士類亡當也王文字
干之東鹿人永樂辛丑進士授御史持廉奉法宣德未進陝
西按察之正統薦擢僉都御史巡撫寧夏尋右副都御史內

轉大理寺卿久之進右都御史風紀大振鎮守陝西晏靜不
擾已巳還院景泰三年撫安山東江北還朝直內閣五年巡
視江南水災還進少保深沉有岸谷剛果蕭介每廷議以一
二語取決而強忤少怒恩仇顯白以子下第訐考官時論鄙
之

程敏政曰自晉權奸將有所刑於忠勲之臣則必內寘腹
心外張羽翼配盤鬼附相與無間而後得以逞焉若漢太
尉李固之死梁冀宋越汝愚之死韓侂胄與蕭愨公之死
石亨一也夫以胡廣京鏜執政而馬融為之草奏李沐為

之疏詆司刑之臣又相與文致之而後衣冠之禍成故竊
以為蕭愨公之死雖由於亨而至於柄臣之心和於言官
之口裁於法吏之手不誣也首禍之罪則通於天矣噫廣
鏜融沐之流其始特出於阿鄙或鍾於忌嫉或幸於迎合
以乘時邀利而已詎知一念之酷至於蔽主聽變國是而
空善類不可拯救也哉

王瓊曰正統己巳之變于謙以社稷為重力排群議選將
練兵坐扼強光輔中興厥功非細當時人皆知其以身
佩安危功在社稷而豈虞殺身亡家之禍於後日哉程篁

墩謂子公之受誣主於柄臣之心和於言官之裁於法吏之手斯固公論也夫

李夢陽曰予觀今人論于肅愍事未嘗不酸鼻流涕焉蓋傷為臣不易云夫事莫大於君出入排遷主戰四者旦夕之勢而存亡之判也乃今人議則異是一前擁一太工

皇大同城下勒降大同人登城謝曰賴天地宗社之靈國有君矣至宣府城下宣府人登城謝曰賴天地宗社之靈國有君矣至京城下京城人又謝曰賴天地宗社之靈國有君矣於是公聽言曰豈不聞社稷為重君為輕斯言

也事以之成類以之生者與且太子之易南宮之錮二者有能為公怨者否耶公有不如意輒拊膺怨曰此一腔血竟洒何地聞其言孰非酸鼻流涕者而獨咎公也雖然宗澤岳飛非下於人者艱難百戰卒愠切而死若公者死可矣死可笑

王廷相曰于肅愍何如曰子獨不見楚人執宋襄宋人立目夷乎楚謂宋人曰不與而國乃殺而君宋國人曰賴社稷之靈吾國已有君矣曰不幾於棄襄公乎曰時也社稷為重君為輕國有政不可一日弗攝置君以攝之大計也

可以與權矣曰目夷終不取之何如曰斯人也非乘時徼
利者賢矣惜乎肅愍之不遇目夷也命矣夫
唐樞曰論忠賢至肅愍未嘗不高其政而悲其報及語易
儲事輒闕舌歧疑偶見唐史編論曰是有大難處者社稷
一綫繫肅愍去留以景皇之銳念不可以口舌爭兩可
一決未為依違夫白日清夢之間泣然心泪不知幾墮豈
惟功利計哉又曰道不可變以難易心非子或曰禮從
時事從重勢從順守故執以覆公餗罪尤大矣肅愍肯忍
為耶

子慎行曰嗟夫子少保之功豈不大哉然君父蒙塵普夫
怛痛而少保以社稷為重擁立新主無一語及於奉迎
豈非慮禍之深不暇兩全耶吁亦忍矣是時去建文時尚
四十年而人心不同已至如此然天下莫以為非豈非利
害之說深溺而不可返耶少保嘗自歎曰此一腔熱血竟
洒何地其言悲矣夫一心可以事百君死生利害惟其所
遇盡吾心而已何所不可洒耶當時群臣奉迎之請景
帝不欲也使少保一言未必不信其後易儲之議使少保
以死爭之憲廟亦未必出宮徘徊隱忍兩顧不發身死

西市飲恨已窮可不哀耶夫社稷為重君為輕之言為人
君詔也非為人臣權衡於送往事君之間可以是語決也
若乃登陴而謝曰國有君矣所以消敵人之望如分羹之
對耳豈為私議於君臣之間可以為動止哉而一時迂緩
之士卒以為口實至使君父辱在於旃廬坦然不問社稷
為重君其弁髦耶

屠隆曰奪門之役徐石密謀左右悉知而以報謙時重兵在握
滅徐石如摧枯拉朽耳顧念身一舉事家門可保而兩
主勢不俱全身死則禍止一身而兩主亡恙方徐石一

兵夜入南城公悉知之屹不為動聽英宗復辟景廟
自全功則歸人禍則歸己公蓋可以無死而顧以一死保
全宗社者也

黃志清曰子之忠於景帝其功顯而忠於裕陵其用
微人臣易危而安國危與危忠在死生成敗之內而易見
使國當危亡之形而收安存之實忠在死生成敗之外而
難保諛言高張邀功始禍者公安所逃死哉當公決疑奮
命其自顧無身耳不以死敵死守而死於國安君存之日
彼一時也

陳繼儒曰 裕陵既返見濟慶 邠王病天人攸歸非
裕陵而誰又非 茂陵而誰明率百官朝請復辟直以遵
晦行耳若徐有貞徐石奪門之舉乃變局非正局乃劫局
非避局乃縱橫家局非社稷大臣局也或曰曷去諸嗚呼
公何可去也公在則 裕陵安而 茂陵亦安若公諍之
而公去之則南宮之錮後不將燭影斧聲乎 東宮之廢
後不將宋之德昭乎公雖欲調 邠王之兄弟而實密護
吾君之父子乃知回鑿公功也其他日得以復辟公功也
復儲亦公功也人能見所見而不能見所不見能見者豪
傑之敢不見者聖賢之悶敢於任死而悶於暴名公真古
大臣之用心也哉

何喬遠曰 上皇車駕至城下于謙主論不納欲求無誅
豈何得乎李夢陽曰于公當其急時輒曰此一腔血竟洒
何地悲夫悲夫南宮之錮 太子之易當時廷臣獨謙肺
腑血胡不洒死耶至其力斷群黨與主竈之奮擊權豎真
英偉丈夫矣

談遷曰于少保最留心兵事爪牙四布若奪門之謀懵然
不少聞何貴本兵哉或聞之倉卒不及發耳時 景帝瞽

廢設工變事未必即下須便宜制之少有舉動則石亨一
李多祚而上皇不復自白矣危哉此一瞬也徐有貞曰
今日不殺謙事無名雖以誣坐未謂不知謙也

王世貞曰李文達天順日錄王文初謀于謙輩未必知亨
輩不過因于謙平日總督軍務一切兵政專而行之不遂
其意因乘機圖謙併中傷所不足者耳此語可謂實錄醜
正之徒至必以易儲迎叢釀誣肅愍而史仍并王敦愍之
謀掩之遂得與肅愍同贈謚而肅愍至今尚有功罪魁之
說抑何幸何不幸也

石亨奏陞報効校尉鄧玉為指揮僉事蒼頭夏清副千戶鴻
臚寺主簿萬祺為主事餘有差從之
增石亨祿二千五百石

都督唐興下錦衣獄籍其家

庚寅署太常寺事禮部尚書蔣守約言南郊舊苑爵景帝時
改玉令以請命仍玉爵

左春坊大學士兼翰林院侍講倪謙呂原右庶子兼侍講劉
定之並為通政司左叅議仍兼侍講左右庶子兼侍講林文
季紹為尚寶少卿左諭德兼編修錢溥洗馬兼脩撰柯潛並

為尚賢少卿左中允兼編脩黃諫右中允兼編脩萬安李泰
俱為尚賢司丞各仍兼官左贊善兼編脩劉俊岳正右司直
郎鄒循俱為脩撰左清紀郎陳穀徐似俱為典籍右清紀郎
鮑相高誠俱為五經博士俱章兼秩

太僕寺丞孫弘為工部左侍郎光祿寺少卿陳誠為右通政
仍署少卿事吏部驗封郎中劉文為右通政尚賢司丞兼編
脩黃諫為尚賢司卿兼侍講中舍書人金銘為光祿寺丞俱
石亨薦

錦衣衛帶俸都指揮使馬政為都督後軍僉事哈銘為指揮僉

事

興濟伯楊善理左軍都督府事

遼前給事中徐正軍餘汪祥千戶馮益

辛卯會昌伯孫繼宗進封會昌侯祿千二百石

罷巡撫提督添設等官

工部左侍郎趙榮為尚書戶部員外郎劉本道為右侍郎工
部主事吳復為右通政筦柴炭戶部右侍郎陳汝言調兵部
俱曹吉祥薦

吏部尚書王直致仕賜勅

裁准安臨清沙灣巡河主事

夜大星未光自太微西垣派東垣外

壬辰詔京官去年俸鈔俱給金時鈔少

右都督劉深為左都督

洋縣盜起

金吾右衛帶俸正千戶白琦請榜子謙王文罪於天下搜邸

府官屬從之

有衛卒縛刑部署員外郎事司務李榮指為王誠黨下獄

癸巳府軍前衛帶俸都指揮同知李奇錦衣衛帶俸都指揮

同知北斗奴為後軍都督同知錦衣衛帶俸都指揮僉事阿

刺帖木兒頂住驢羽林前衛帶俸都指揮僉事胡朵兒哈金

吾左衛帶俸都指揮僉事鮑政俱為都督僉事

禮部尚書胡濙致仕賜勅

甲午禮部儀制郎中章綸為右侍郎 上復位明日即釋綸

獄

興濟伯楊善兼鴻臚寺事

誅前昌平侯楊俊初俊守永寧懷來 奉駕至密戒戎者不

納及駕還有微言至是張軌等數摘之微下獄論死子珍奪

爵成廣西

二月初未朔 皇太后詔曰我 宣宗章皇帝 棄臣民遺命 於吾爰立嫡長子為皇帝歷十五年歿天勤民因 犯邊親 率六師不意兵將失律乘輿被遮時文武群臣以社稷為重 表請於吾立 皇帝長子見深為皇太子以幼冲吾仍命庶 次子 邠王初鈺輔之豈 奉 帝還京而既貪天位反為 幽閉廢儲敗常變亂彝典縱肆醜淫信任奸回居妖妓禮胡 僧濫賞妄費急征暴斂穢德彰聞上天屢戒恬不知省拒諫 飭非造罪愈甚既絕其子又殃其身中外危疑人思正統

今 皇帝復位其廢初鈺仍為 邠王如漢昌邑王故事已

送歸西內俾之安養

吏部驗封郎中張用瀚為右侍郎石亨薦

召紫荆關內使張訛右都督陶瑾鳳門關內官阮談署都督 僉事陳友懷來內官韋源內使田靄署都督僉事趙輔屠庸 關左少監潘成永寧內官弓勝蔚州內官張普還京

兵部左侍郎俞綱仍理部事禮部尚書章文削籍南京戶部 右侍郎楊興右僉都御史余儼大理寺右少卿朱紱太僕寺 少卿李亨俱改知府吏部員外郎黃萬等七人俱改知州工

部右侍郎蒯祥陸祥降太僕少卿仍督工以邸府舊僚裁抑之

忠義前衛指揮使唐忠濟川衛都指揮同知劉紀為右軍都督同知俱奪門功

丁酉舊邸府官軍千七百七十五人俱調山東都司校尉改軍補京衛

戊戌祀太社太稷

都指揮同知杜清都指揮僉事劉鈺俱為都督僉事

免鳳陽淮廬去年田租二十一萬六千三百三十餘石

禮科給事中王鉉請會試乙榜貢士授教職從之

己亥順天人江聰粥饑民四閱月活八萬七千五百餘人勅旌之

署太常寺事禮部尚書蔣守約致仕

庚子復邸王母太后吳氏宣廟賢妃皇后汪氏為邸

王妃懷獻太子見濟為懷獻世子草孝肅皇后及貴妃唐氏封號

南京左副都御史軒輅為刑部尚書左副都御史劉廣衡調刑部左侍郎右副都御史李賓為大理寺卿右僉都御史李

東總督南京糧儲戶部尚書張鳳刑部尚書薛希璉左都御
史蕭維禎禮部右侍郎姚夔兵部右侍郎宋瑛並改南京刑
部左侍郎鄭泰改南京吏部刑部右侍郎劉清右副都御史
王竑來傑並為四川浙江山東布政司叅政左僉都御史陳
泰鄭顯為廣東福建按察副使右僉都御史韓雍為山西按
察副使彭誼為紹興知府大理寺左少卿曹璉右通政殷謙
為惠州汝寧知府南京兵工部右侍郎杜寧李浩為福建貴
州叅政

戶部尚書李敏左侍郎孟鑑張睿兵部尚書孫原貞工部

侍郎張敏左都御史馬昂左副都御史羊富馬謹右副都御

史韓福通政樂暉太常寺卿程南雲太僕寺丞蔡翼南京吏

部尚書曹義戶部尚書沈翼禮部尚書張惠兵部尚書張純

刑部尚書楊寧工部尚書王來太僕寺丞嚴曾鴻臚寺左少

卿江勝俱致仕時甄汰兩京大僚

工部尚書謹身殿大學士兼東閣大學士高穀致仕賜勅

安平伯吳安降府軍前衛指揮僉事中軍左都督汪泉仍金

吾左衛指揮使汪瑛仍中軍兵馬指揮錦衣衛指揮使杭昱

仍副千戶皆 邠王外戚也

辛丑南京太僕寺少卿翟敬為大理寺右少卿太常寺少卿
夏景為寺卿左通政王復為通政使

壬寅禮部右侍郎兼翰林院學士薛瑄通政司左叅議兼翰
林侍講呂原主禮闈

右都御史羅通子師望來興師漢俱迎駕授所鎮撫
順天府尹王賢致仕

癸卯吏部右侍郎李賢兼翰林院學士直文淵閣

署欽天監事禮部右侍郎湯序請章景泰年號命仍之

殺都督范廣廣素驍勇于謙甚任之見嫉石亨等云謙黨其

第宅妻孥賜降胡皮兒馬黑麻

誅司禮太監廖官保少監許源御馬太監郝義及大興左衛

千戶劉勤錦衣百戶父崇高官保領御藥房南內時索藥不

得源訕上義初同王誠等發勇士擒曹吉祥等勤善檮崇

高善淫樂

甲辰封都督曹義豐潤伯祿千三百石焦禮東寧伯祿二千

百石施聚懷柔伯祿千一百石皆予世以塞上久勞

詹事府丞李侃改太常寺丞

魏國公徐承宗守備南京西寧侯宋誠鎮守甘肅左都督楊

寧鎮守宣府召平江侯陳豫都督僉事雷通右都督過興都督僉事楊信還京

內官覃吉下錦衣獄以筦內庫籍記 邨王所賜諸妃金寶不以聞

前禮部右侍郎兼少詹事薩琦卒琦字廷圭系出西域家閩縣宣德庚戌進士選館授編脩景泰辛未進禮右壬申兼少詹性狷潔不苟合有文學名賜祭葬

乙巳勅戶部右侍郎劉本道同太監武安提督京通等處糧芻

丙午李文為右都督

丁未徵邊關神銃神砲還京惟守城者勿動

禮部請立東宮從之

戊申罷浙江布政司叅政王竑右都御史李實俱除名永不叙戶科都給事中成章刑科都給事中王鎮浙江叅政曹凱四川按察使黃溥廣西山西副使甘澤劉琚山東湖廣山西僉事趙縉瓌安王豪俱謫衛經歷石亨等言竑擊馬順實作出使錄誇謬又章等嘗攻其過也

總兵官安遠侯柳溥等率兵勦柳慶諸蠻克之斬偽剌平王

黃公好等五百二十四人

陳士元曰蠻夷自古為邊患國朝分布戍卒遮列險要斷其出沒控以衛所而我憲臣與郡邑長吏歲時巡察法甚備也顧群夷重趺累重屢險捷飛則吾所為防禦者豈必逐然角技於山坡為武哉要在謹吾戎卒使其守望偵謀咸有實伍毋事虛名其陽成而陰翼夷者必重繩之民有矯虔不遵窺身荒徼以遁賦役或卒為奸利潛為引導令伍保以實聞於官不爾發其連坐獲遺夷者以獲夷之賞予之而又令邊民各以便選地聚力為團與戎將授應

則聲勢聯絡群夷斯懾服矣

已酉南京戶部尚書張鳳兼提督糧儲屯種

忠勇伯蔣也兒孛忽改名善

庚戌吏部驗封主事萬祺為員外郎

裁光祿寺厨料十二

夜月食

辛亥止晉王鍾鉉入朝自後諸王奏來朝皆止之

右都督李文為征西前將軍總兵官鎮守大同都指揮張鵬李顯為左右叅將分守東西路

犯延綏都指揮李懋敗沒

白虹貫日彌天

壬子靖遠伯王驥兼兵部尚書工部左侍郎俞綱調南京
癸丑 邠王薨祭葬禮如 親王謚曰戾 帝恭儉明道知
入善任使卒弘濟時艱宗社賴之年 十 陸欽病逸漫記
曰宦者蔣安以帛勒死

王世貞曰 太祖之後而功者孰不知 成祖子德者孰

不知 孝宗子蓋猶有 景帝焉已庚之際微 帝吾其

被髮左衽矣其德何如曰左知人在安民其不復辟者理

也易 太子者情也

李維禎曰 景帝立而後 睿帝得還既已 帝矣履天

下之籍聽 天下之斷偃然如同有之寧復俛首而為臣必

以不遜位也 帝非也南內之錮也建儲之易也謀國者

何人獨于謙受其冤哉

談遷曰國家厄會蓋莫若己巳矣閩浙創夷黔粵嘯聚天

未厭亂北狩隨之闖關羅白登之困象魏下陰山之悲宗

社絃髮僅繫 景帝當時六師新喪九塞氣沮南邊議獨

徐理乎哉乃舍姬旦之小節紹少康之舊軌坐攝群器獨

制長策犬羊雖信、不休我圻父是任俾弭耳以退皇靈
遐暢南北交提曾不捐漢繒之尺寸費采緡之毫纖而虞
淵返照事同揖讓尤卹畿極溺納諫信賢嘉王珙薄徐理
具有神識而或以太上事過責之斗粟尺布之謠古
人不免為政未可以給臂論也

都督僉事石彪為都督同知充游擊將軍巡大同

召寧遠伯任禮

甲寅工部尚書王永壽改南京

順天府丞王福為府尹

監察御史伍善早朝失儀謫武城知縣

庚申都督同知馬政指揮哈銘使逆北賜李來等及伯顏帖

木兒妻李來留政

戶部郎中薛遠為右侍郎國子監學正林聰為右僉都御史

翰林院編修趙昂為通政司右叅議清理武職貼黃

進士孔公恂鄭瑞為禮工科給事中劉倫正為南京刑科給

事中

車里軍民宣慰司板雅忠作亂命雲南總兵官都督同知沐
璘撫諭之初宣慰使刀霸羨自殺兄三寶立

辛酉禮工科給事中儀泰俞誥以父戚官邸府俱謫州判官
壬戌通政司右叅議張文質為左通政

癸亥雲南道監察御史葉淇廣西道監察御史黃紀俱忤石
亨誣下獄謫武陟劉陽知縣

三甲子朔國子祭酒劉鉉為少詹事翰林侍讀孫賢脩撰劉珮
為左右中允編脩牛綸刑科左給事中司馬恂為左右贊善

編脩徐溥兼校書禮部員外郎吳謙兼正字
木邦宣慰使罕落法為部日相攻求援鎮守雲南左監丞羅

珪以聞議遣兵不許
駙馬都尉薛桓下錦衣獄以私侍婢犯日尋釋之

甲戌召廣西副總兵都督僉事陳旺
胡官都督北斗奴改姓名白忠何刺帖木兒曰穆義項住驢

曰丁順季伯家奴曰季安
乙亥詔大賚文武官軍吏民

武進伯朱瑛為總兵官鎮守廣西
召鎮守延安綏德右都督王禎以都督僉事楊信代之

丙子奉書襄王膳璫曰於初銜宮得叔父陳言慰安二踪循
覽再三比於金滕 皇太后感歎不已叔父云欲來朝時候

清和敬遣太監夏時齎奉勅符着書迎請叔父從容就道
武功伯徐有貞兼華蓋殿大學士仍直文淵閣
總旗汪端為錦衣正千戶迎駕功
戊寅策貢士夏積等二百九十四人於奉天殿賜黎淳徐瓊
陳秉中等進士及第出身有差
械內官劉茂於掖庭景泰間載唐妃習馬至是有言復辟時
欲擒太監劉永誠也
已邠山西行都指揮武廣為都督同知
誅妖言賊郭青郭榮等

致仕右都御史沈固為戶部尚書固先在大同善石亨
後軍都督同知曹欽為左都督錦衣衛帶俸都指揮同知曹
鐸為左軍都督同知俱仍帶俸

金吾左衛指揮使楊善為都指揮僉事善自陳先從內膳監
屢聞密謀如皇太后初省南宮以王誠舒良議俟再至沮
之臣達於內臣劉成皇太后不再過之
進士楊瑄為吏部主事
壬午右副都御史耿九疇為右都御史
興濟伯楊善兼禮部尚書

都督同知石彪奏巡撫大同左副都御史年富違法繫治京師上問李賢富何如對曰其在大同公以斷上曰彪將惡其不利也召錦衣門達訊之既多誣賢曰欲白富當再勤請遣給事中郎中二員上曰使武職一人同之否者彼謂文臣相黨果白之富欽仕

故都督同知王貴追封阜城伯謚武僖

癸未夜火星犯鬼宿

丁亥右僉都御史林聰賑饑山東

夜火星入鬼宿犯積尸氣

戊子勅右都御史耿九疇曰朕惟御史內糾百官外按方隅受朝廷耳目寄苟非其人曷任稱使景泰失政甚諫進選每出私門當官者或枉法鬻獄言事者或濟私罔上出巡者或張聲勢作威福官邪不做紀綱蕩然爾承朕簡必奉公正已督率咸脩御史不職爾等察舉爾等不職亦聽御史糾劾陟幽明國典斯在

己丑戶部言樽節利民五事從之

庚寅減濟南東昌青兗柴炭之役

辛卯晏南入貢

還趙王膳塢歲祿三萬石先景泰減二萬石

工部左侍郎孫弘往易州相度採取柴炭以景泰間移真定
平山故勘其孰便竟駐易州

留守左衛通濟門千戶小旗陳福請汰僧道 上是之下禮
部核胡僧數以聞

壬辰都指揮同知曹濬為都督僉事

四甲午勅群臣脩省

金星申刻見

乙未 科給事中江彤行人劉寅之往封占城國王盤羅悅

免浙江去年災租五十四萬餘石

丁酉總兵官南和伯方瑛奏湖廣賊蒙能已誅又勅其黨斬

二千八百九十餘級擒賊屬五百餘人命班師

戊戌召鎮守湖廣貴州左副總兵都督陳友

夜月犯井宿

己亥後軍都督僉事馬顯為都督同知

庚子太僕寺卿夏銜為太常寺卿吏部郎中黃米為太常寺

少卿

兵部上缺軍之數命文職景泰間編伍者不唯

辛丑兵部右侍郎陳汝言左副都御史勉深選京衛帶俸軍職深尋憂去兵科給事中王鉉代

壬寅後軍署都督僉事劉信為都督同知

乙巳夜大星赤光自心宿派牛宿

丙午冊貴妃周氏

命監察御史給事中各一存恤軍士蓋正統例景泰初格之

初工諭徐有貞等曰中外民艱皆因有司匪人卿等審察

先有犯贓復職及見任失行寡績老疾者具以奏於是福建

等布政使黃輿輩貴州等按察使張海輩鎮江等知府白仲

賢輩俱免

丁未科道劾司禮太監陳鼎阮蘭黨奸俱安置南京不叙

臨清艇鈔改徵粟鈔二貫折粟一升

命內外法司錄囚

前吏部尚書何文淵卒文淵字巨川廣昌人戊戌進士授御

史薦守溫州課最拜刑部右侍郎予告起吏部左進尚書陟

太子太保素善太監興安因見劾去奪宮保易儲詔天降下

民作之君父有天下傳於子二語每自矜其二語及復辟牀

禍而副都御史陳泰左遷廣東副使道廣昌或曰逮文淵也

文淵懼自經

戊申久旱遣告郊社山川等神

吏部上興革五事從之

己酉刑科都給事中喬敷等言四事教忠孝以正綱常黜貪

污以勵廢官舉荒政以卹民生禁奢侈以節財用上然之

庚戌工科給事中耿裕改翰林檢討避父九疇總憲也

內官李雍王定等世襲錦衣衛千百戶

辛亥保定伯梁珣鎮守陝西

都督僉事哈改姓名陳守忠

癸丑忠國公石亨會昌侯孫繼宗總五軍營太平侯張軌懷

寧伯孫鍾總三千營安遠侯柳溥廣寧侯劉安總神機營太

監曹吉祥劉永誠吳昱王定監之

甲寅襄王瞻墀入朝見之武英殿

黃瑜曰天順初王文于謙以請迎立襄世子被誅及襄王

來朝上禮待甚隆其後世子竟嗣王位終始親睦無間

然則迎立之謀其實未益可知已

孝來貢使五百餘人還至大同高山站殺護卒百人奪馬甲

而去命遠西路參將李顯以供饋不給也下廷臣議制禦方

略

乙卯犯寧夏洛陽川官軍扼於河乃設伏誘西路左參將都指揮使種興以千餘人追之敗沒興死子賄陳汝言得賜祭

丙辰戶部言興除一事從之

松潘指揮周剛巡邊適叛番入犯擊斬三百五十餘級

丁巳刑部右侍郎黃仕儁賑河間濟南饑

錦衣衛都指揮僉事劉欽素結權貴其妻出入於唐興杭昱

太監張永阮簡家上初冒功得都指揮僉事至是科道劾

欽復辟前一日因夷使來朝選校尉三百餘人陰助永謀逆

遂下獄左都御史耿九疇言復位時甯督校尉警蹕行禮遂

降東昌衛指揮使

戊午封遼暨平涼王遼壻真寧王徵銀漢陰王季堽通城王

誅妖人王斌斌府軍前衛軍餘雉髮曰悟真逃褒城縣妖言

結黨謀亂約數千人入漢中值官軍被執事聞誅五人餘戍

宥之

已未免永平去年災租
庚申五百餘騎犯大同猶見庄

壬戌二十騎犯甘肅牧羊臺右叅將李榮追斬一級擒二人進榮都督僉事

逮貴州巡撫左副都御史蔣琳初按察僉事李叔義奏其特于謙商賂淫虐等罪工科給事中張浩往廉之亦以聞

是月詔處士中學貫天人才堪經濟隱居高尚不求聞達者所司以聞

霍韜曰國初用人薦舉為重貢舉次之科舉為輕今則科舉為重薦舉次之薦舉不行矣此士風之所以益偷也

五朔亥朔提督松潘兵備刑部左侍郎羅綺召至改左副都御

史

命邊儲出納祇部司官酌量總兵官毋預

甲子禮部右侍郎兼翰林學士許彬薛瑄俱為左侍郎

誅柳州衛千戶盧忠鎮守寧夏太監高平景泰時忠任錦衣

衛指揮平任尚衣監各計令校尉李善奏上皇同太監阮

浪南城內使王瑄圖復位於是浪瑄及忠俱下錦衣獄瑄被

殺浪瘦死忠釋後坐事謫柳州至是特收忠平磔於市籍其

家

廣東遂溪教諭吾豫請究南宮易儲之主議者并盡誅于謙

等所舉文武重臣章下刑部都察院謂該衆心得已
乙丑後軍都督同知馮宗為右都督

停清軍御史

夜金木二星合井宿

丙寅逆北太師孛來知院阿哈刺忽來奏欲獻寶璽勅曰此
璽已失真却真秦物耳朕無藉此獻否惟爾、何留我馬政
為

誅徐正及軍餘汪祥

夜大星赤光自尚書派鈎陳二小星隨之

丁卯、三千餘騎犯大同威遠衛官軍擊敗之擒五人斬十

六級

戊辰命石亨班師

辛未安遠侯柳溥充總兵官巡宣府大同

壬申收在京乞人入養濟院

癸酉毀廢帝邸王壽陵時襄王瞻塏謁天壽山還言邸王

墓杭氏越分乞毀之以工部尚書趙榮往

禮部右侍郎蕭璠改南京吏部

甲戌放教坊司樂工樂婦四百八十六人

乙亥逮鎮守大同太監韋力轉工部右侍郎霍瑄奏其宴用伎樂復強取所部女為妾諸不法事 上怒下獄尋宥之

丙子畿內疫 廣西古丁等峒賊劫武緣南寧

木星酉刻見

忠義前衛司吏張昭言近遣官舍往西洋土魯番亦力把里撒馬兒罕哈密等處分投和番此虛費不如救山東之饑民

工遂已之

己卯右都御史耿九疇言五事崇廉耻以勵士風清刑獄以

召和氣勤農桑以厚民生節糧賞以勸軍士重臺憲以振綱

紀 上嘉納之

壬午設襄陽護衛指揮使司改群牧所為中干戶所 上重

褒王故優之

工元六合行昭定遠來安蝗命捕之

乙酉監察御史楊瑄還自河間論石亨曹吉祥侵占民田

上以示徐有貞李賢皆曰御史言正 上嘉之

丙戌致仕左都御史馬昂復任

夜彗見危霜狀如粉絮色青白芒拂、搖動至丁亥夜芒五

寸餘

左都御史馮昂賑饑山西

已丑復發三萬金賑山東仍量災免田租

犯威遠衛守備都指揮李英擊卻之

命都督劉源雷通鎮守宣府備李來如敵至一戰一守

庚寅廣西副總兵都督僉事陳旺為都督同知右叅將都指

揮使孫麒為都督僉事賞其賓州殺蠻功

辛卯召陝西定羌驛丞廖莊為大理寺左少卿

壬辰免河南去年災租十萬三千一百三十餘石

摘神武定州等衛軍千五百人分成紫荆倒馬龍泉等關

六癸卯已朔譚祐嗣新寧伯譚璟子

工部主事屈銓等二百四十八人坐贓命赦俱冠帶閑住

暹羅貢使市山東饑民子女命贖之

夜彗見室宿芒丈餘

甲午右都御史耿九疇右副都御史羅綺下錦衣獄初上

以楊瑄言覈侵田御史張鵬等遂具草悉糾石亨他罪狀欲

上兵科都給事中王鉉漏之亨泣訴云言官承徐有背指敢

論臣且鵬故太監承從子也早工御文華殿面詰諸御史其

語盡上曰誠然而曹何不早上也悉下獄究所自詞連九疇綺亦坐之

安南國王黎濬請哀冕不許初命尚寶司卿兼翰林院侍講黃諫太僕寺丞鄒允隆諭復辟及冊東宮且賜濬綵幣遂遣右納言黎希葛等入賀

丙申胡官副千戶李鐸為後軍都督僉事帶俸

忠國公石亨請解兵柄不允

丁酉兵部右侍郎龔永吉改南京禮部陳汝言數侵王驥謂其私永吉故調之

刑部右侍郎劉廣衡署都察院事

犯偏頭關守備都督同知杜忠擊敗之斬三級擒一人

戊戌禮科右給事中周監以奏對蹇右諫崇慶州判官因命

三十五歲以下及語言未正者各給事中對品調外

己亥定遠縣獻瑞麥

復沙安順天府治中食正四品俸

武功伯兼華蓋殿大學士徐有貞吏部尚書兼翰林學士李

賢下錦衣獄初有貞以曹石起東政後稍裁之工時與屏

人語吉祥伏小監座側悉其語以問曰工與有貞言某某

工驚問故曰有貞出語臣耳 上疑其泄石亨復摘有貞李

賢而科道交劾故下獄舉朝驚懼是日酉刻大風雨拔木毀

奉天殿東鳴吻署欽天監事禮部右侍郎湯序請脩省從之

夜彗犯壁宿

庶子通政司左叅議兼翰林院侍講呂原直文淵閣

靖遠伯兵部尚書王驥致仕仍朝朔望

兵部右侍郎陳汝言署部事

降徐有貞廣東布政司右叅政李賢福建布政司右叅政耿

九疇江西右布政使羅綺廣西右叅政監察御史盛顯賈廣

周斌張寬王鑑趙文博彭烈張奎李人儀邵銅鄭冕陶復並

謫知縣楊瑄張鵬戎鉄嶺衛 上因風變感悟石亨等亦懼

請輕其罪

鄭曉曰劉球之言行必無己巳八月之事鍾同廖莊章綸

之言行必無丁丑正月之事楊瑄之言行必無辛巳七月

之事五公忠憤所激遇事敢言見死且不避彼受頤指為

權貴人鷹犬博一笑語者真天淵矣

王世貞曰有貞善天文地理之學自謂無遺筭其治河亦

號能更至南遷之議抑何舛錯懦弱也為相日裁冒功濫

賞似矣已獨先冒濫焉屠剪執賢快志報復傳曰不能三年而總小功其有貞之謂乎

辛丑謫給事中何玘等十三人為判官監察御史吳禎等二十三人為知縣曹石欲箝制言路共刺其短上命吏部覈其年三十五以上者留任事三十五以下皆外調之會風變俱復之

壬寅禮部左侍郎兼翰林院薛瑄致仕石亨欲為請勅教其御瑄曰元世祖賜許魯齋勅令設教魯齋歸懸屋梁終身不示人今若設教曷若不辭官為愈乎行至直沽餉乏子惇有

愠色瑄曰吾道自亨也

放光祿太常二寺厨役四百九十三人故監察御史鍾同贈大理寺左寺丞子廕國子生

癸卯翰林院脩撰岳正直文淵閣正出持簡石亨張輓值正左順門駭其驟比入見上欲進正更却左侍郎兼翰林學士亨請徐任之

兵部尚書石璞自湖廣召還致仕免臨沅甘州灾租九千九百九十餘石寬減中外罪囚杖以下悉宥之

甲辰復李賢吏部右侍郎以左右言賢謹重不當遠也

夜月犯罰星

乙巳工親告於皇天上帝無為母后祈福時彗變占謂應
在母后

起復左副都御史寇深

殺左副都御史蔣琳既下獄訴僉事李叔義誣已且云貴

州兵亂後邊事窘迫夷情兇狠懲奸宜嚴故多怨謗劾臣遠

在萬里豈知于謙等異謀上不聽廷鞠論死仍梟示貴州

夜彗犯天大將軍

是月濟南兗青旱蝗未幾大雨水傷稼

七月戊朔岷王徽燥請加皇太后尊號以非故事止之

湖廣按察使馮誠僉事程志學撫州知府王宇保定知府傅

霖大同知府霍瑄大原知府孫睿交州同知黃瑜安州知州

陳綸金州知州王瑄濮州知州毛晟平度州知州張福武定

州同知楊忠東昌推官林琦崇邑知縣彭述樂安知縣高軒

辰溪知縣杭宗道知城主簿方鏞皆治行卓異賜誥勅貤封

夜大星青白光自王良派織女

癸亥許中元節祭會邨侯王及懷獻世子

復孫遇徽州知府食正三品俸遇平易為治饑民劫糶御史
欲捕之遇單騎往諭來歸一日坐府呻吟聲白有冤耶廉得
婺源有處女被脅強民縊死之立為申治其聲始息遇居徽
十有一年麥有四穗者徽民世一祀之
甲子後軍左都督皮兒馬黑麻自迤北以族屬七十餘人來
歸

己丑廣東布政司右叅政徐有貞下獄石亨輩慮有貞復起
為蜚語謗時政託吏科右給事中李秉彝名上之時秉彝以
憂去久下獄訊不勝楚毒死時購得主名者官三品呂原岳

正言購募非體乃已曹石又言此有貞客泰州馬士權以有
意為此乃追有貞理之

南京兵部右侍郎宋琰卒琰奉化人永樂己未進士選館授
禮部主事轉考功授內監書以河南右叅政入太僕卿遷侍
郎皆中官力然溫雅好學卒賜祭葬

丙寅夜承天門災
萬全都司電

二千餘騎入甘肅鎮番衛官軍擊斬四十九級擒三人
丁卯上躬禱天地曰恭惟洪眷命臣承統即位以來屢見

變異深懼不勝意者事天法祖未盡誠與爵賞刑罰未當與
忠良未盡用奸邪未盡去與所見不明讒佞與節儉不崇
侈財用與徵歛倍克之未息而刑獄冤濫之未雪與思過者
躬仰體仁恩大赦天下伏祈曲賜洪原用寧邦家臣不勝待
罪惶懼之至復遣告廟社山川
戊辰勅諭文武群臣曰朕以菲德膺乾復祚圖治雖勤應天
無效六日丙寅承天門災朕心震驚固知所措意者敬事天
神有未盡與善惡不分用舍乖與曲直不辨刑獄冤與征調
多方軍旅勞與賞賚亡度府庫空與請謁不息官爵濫與賄

賂公行政事廢與朋奸欺罔附權勢與群吏弄法擅威福與
征歛徭役之太重閭閻田里靡寧與諛諂奔競之倖進忠言
正士不用與抑文武有司鬪兇酷吏貪冒無厭致軍民失所
與此所由傷和致災而朕或未明也爾文武群臣股肱耳目
休戚惟均直言無隱其或躬蹈前非亦宜洗心改之
己巳都察院獄盜逸
庚午吏部左侍郎李賢為尚書兼翰林學士掌文淵閣事
禮部左侍郎兼翰林院學士許彬調南京彬夙有文譽顧坦
率無簡擇一時放蕩之士盡出其門晚欲謝絕遂騰謗議

命脩撰岳正仍授內監書

辛未都督同知毛忠為甘肅左副總兵協守署都指揮同知

蕭敬為右副總兵仍守涼州

翰林院脩撰岳正謫欽州同知初正侃、自立欲間曹石語

吉祥曰石亨常以杜清來何也曰致誠款耳正曰否、伊特

偵公耳謝之且勸曹石解兵柄又教詆之欲併去陳汝言徐

有貞於是曹石言其附有貞故謫

免高城縣災租

癸酉詔赦天下

微山西按察副使韓雍下獄寧王奏雍被召行時列刀劍聲

砲上薄之尋勒免

丙子後軍左都督皮兒馬黑麻賜姓名馬克順都督同知伯

顏達理曰于忠

丁丑左副都御史寇深為左都御史

戊寅刑部尚書軒輅致仕

夜孽犯井宿

己卯安置迤北降人於登萊等衛

南京大理寺少卿王謙考滿入朝媚石亨留任太常寺

壬午故廣平侯袁容庶子瑄嗣廣平侯李興嗣富陽侯李茂

薛忠嗣安順伯王琮嗣成山伯薛貴姪孟俊嗣保定伯孟瑛

癸未勅諭南京文武群臣

翰林檢討耿裕謫泗州判官陳汝言謂九疇既外子不宜內

也

徐有貞制籍流雲南金齒衛錦衣都指揮門達窮治馬士權

亡驗而有貞誥詞曰才堪華國道足經邦資弘毅而秉忠純

貫天人而通今古早擢賢科首登制舉簡自先朝貽於朕用

史館秉春秋之筆經筵陳仁義言之作鎮北州已展勤王之

偉略治水東郡復成續禹之神功由是叙長憲臺總司風紀

乃者奸臣謀變社稷幾危賴爾忠誠以定大策遂能擁戴朕

位光復天位乃自中丞之職進兼司馬之權展采論思陞華

宥密謀猷具善啟沃良多夫既屬以心腹而任之股肱是宜

酬其勲勞而昨之第土爰錫西周之世封用承東海之桑祏

云於戲中外宣力朕惟用爾以功左右納忠爾惟輔朕以

德居黃閣而兼典戎機乃禁中之頗牧直紫宸而彌綸國

體允惟王室之甫申至是工以示法司謂其語夸大無人

臣禮論死會赦免有貞嘗遇異僧受曆利支天法奉斗母至

是衆以為奇術驗云有自德士權許婚其子後赦歸負盟
史鑑曰或曰國家授受自有常典徐公豈當預哉蓋公假
迎復之功以為富貴之實耳嗚呼是誠何言哉君臣大倫
根於天性苟利社稷死生以之先帝在幽閉之中至穴
墻以通飲食勢同狴牢華督之弑宋殤子釐之弑魯隱高
渠彌之弑鄭昭南宮萬之弑宋閔慶父之弑子般商臣之
弑楚成李先之弑主父劉邵之弑義隆皆以得罪畏誅姑
欲脫死於一時也然則先帝當此之時豈不謂之至危
極殆乎而公奮不顧身決此大策翊衛先帝出險難之

中尊居九五其功可謂偉矣但以震主之威易生讒謗此
正李泌所謂殺臣者五不可耳豈公之罪也哉
劉鳳曰士當無事時雍容濟盛治然猶稱焉及制變圖難
定傾扶危決策無濡忍之言存亡以之此其謀烈顧不大
夫哉且其身嘗貴為徹侯受辱獄吏不耻謂不能殺耶人
臣義不當貳一旦被污惡言不以死明責誰當知者若有
貞事無可疑何至今論未定也或以于同馬死罪之夫子
誠有功於守若城下之役與乘輿南旅信賴有力焉至南
城易儲二者謙既股肱大臣且獨親信何無一言爭而謂

其猶有翊戴之者意將誰欺哉不有所廢其何以興謙與
貞本無怨而勢適然尚何云貞之卒發由南陽之媚功乃
謂迎衛之舉無事者又何其重誣也傳有之使好我者勸
惡我者懼乃易之矣惜夫若士權忍死以明有貞雖任安
田叔之義又何以加焉
何喬遠曰有貞藉二豎立功既被知養欲守正自異身為
伊周何其壯哉得意失意在反覆間書曰汝雖不矜天下
莫爭功汝雖不伐天下莫爭能諒矣
談遷曰徐有貞本縱橫之學以迎襄陽于司馬而陷有貞

者即踵之曰續高神功俱不臣也俱子虛也函矢同術有
貞南派亦少自悔否乎

戎子南和伯方瑛進封南和侯祿千二百石都督陳友武平
伯祿千一百石皆予世署都督後軍右都督石彪封定遠伯
祿千一百石世襲左都督楊能武強伯右都督李文高陽伯
皆祿千石流爵後軍都督同知杜忠為右都督都督僉事江
福董斌為都督同知都指揮使張鵬為後軍都督僉事江
總督漕運右都督徐恭兼理河道
江西右布政使耿九疇為四川左布政使

典史倪敬婁濬左源汪清蘓廉祿白瑛金澤王儀孔鑰李堅
宋璫嚴樞朱倫黃讓盛泉王紀驛丞吳節秦紘章亮陳顯劉
紀林璟楊敷戴昂俱為知縣
淮徐懷慶衛輝奏夏大水濟南杭湖嘉興各旱蝗傷稼
辛卯發七十萬金勞遠東至陝西邊卒人二金
夜彗星犯水星
廣西徭賊大劫掠
是月杭嚴寧派金華旱
八朔己南京禮部左侍郎許彬調陝西布政司右叅政

甲午以彗未滅躬禱於昊天上帝

南京禮部右侍郎龔永吉改南京大理寺卿

夜大星青白光自狼星派近濁

乙未蠲武昌長沙黃永去年災租十六萬五千九百六十九

石有奇

召高貴州中鹽納粟

丁酉行均徭法禁里長害民

己亥夜月犯東咸

庚子中軍都督僉事杜清為都督同知

中葉

甲午

劉本商

兗州同知黃瑜為知府

壬寅都指揮僉事劉聚為後軍都督同知

甲辰行人李勝楊暹博士王祥進士馬驄俞璟程萬鍾知縣

劉譽訓導章璠康弘敬顧儼監生韓槃侯由何楚英李開余

亢周祐李蕃朱鉉周傑曾相朱讓易廣王儼劉慶裴斐孫泰

李旻王嶼馮昱俱試監祭御史

丙午後軍都督同知董斌為右副總兵江福為左參將協守

宣府

夜月食

戊申壽州判官王長福為知州

辛亥秦府興平王志堦慶年三十七謚莊惠

壬子布政司右叅政左鼎召至進左僉都御史

都督僉事張義為征西將軍總兵官鎮守寧夏

都督僉事高逵理南京後府事兼撫降胡

金星晝見

甲寅安置王竑於陝西

通政司使王復為兵部左侍郎左通政張文質為通政使

乙卯右僉都御史祝暹卒 祥符人宣德癸丑進士

丙辰工部左侍郎孫弘調吏部工部右侍郎霍瑄為左侍郎
戶部郎中翁世資為工部右侍郎弘以右亨鄉人諂事得薦
戊午報襄陵王冲妖曰日出視朝禮經所載古人君是常王
念予朝昧爽侵冒風寒親忠愛感德良厚

都督同知白玉僉事茹鑑陳友鮑政喜信分理五府事

己未順天大名廣平鳳陽開封汝寧兗東昌以夏大雨水傷
稼

庚申刑部左侍郎劉廣衡為尚書

九 朔戊朔太常寺卿夏景欽仕

太常寺少卿兼翰林侍讀劉儼卒儼字宣化吉水人正統壬
戌進士第授脩撰進侍講尋進右春坊大學士兼侍講脩歷
代君鑑寰宇通志成進太常少卿兼侍讀景泰末主試順天
失執政意幾得罪儼孝友果毅於文善議論贈禮部左侍郎
謚文介賜祭葬

何喬遠曰周叙劉儼居翰林無赫表著之績心行確然
君子也

甲戌後軍都督同知徐恭為右都督

都督同知陳旺為副總兵鎮守廣西署都督僉事王漢協守

遼東

丙子封通許王子墜為周王子姚汝南王子墟潁川王子圻
義陽王子墩泌陽王子燎汝陰王同鏡河陰王鍾鏢西河王
進士盧秩為河南道監察御史
丁丑通政司右通政李素致仕

戊寅鎮守延安綏德都督僉事楊信為都督同知

四川白江蠻攻筠連縣

慶府岐山王秩煥薨年四十三謚悼莊

庚辰瀋王信煊薨年五十一謚曰康

辛巳陝西行都司署都指揮僉事劉傑為右副總兵鎮守涼
州

癸未致仕禮部尚書蔣守約仍署太常寺

乙酉光祿寺卿蔚能為禮部右侍郎仍署光祿寺事

蒲州判官盧祥為禮科都給事中

丙戌復鎮遠侯顧興祖歲祿

己丑報代王仕壻曰承惠菘菜楳棹雖王國佳產道遠人艱

自後母再

夜大星赤光自井宿派軒轅

庚寅日遣給事中闕皇城門禁

欽州同知岳正戍肅州衛鎮夷千戶所正既貶候其母於鄴
為少留兵部尚書陳汝言黨曹石喉游徼構以事徵下錦衣
獄手梏急至涿州瀕死涿人楊四請於緹校不得乃醉之而
竊剗其梏得達於戍

夜大星赤光自壘壁陣派南斗後二小星隨之

十月未都指揮姚貴為後軍都督僉事右叅將守備永寧

丙申前軍都督同知陳旺為右都督錦衣衛帶俸指揮僉事
也先帖木兒為後軍都督同知帶俸

辛亥左僉都御史林聰為右副都御史河間知府王儉為左

僉都御史

壬子夜彗犯平道

癸丑宣府右叅將都指揮僉事張林為都督僉事

甲寅復苟方新昌縣丞食從七品俸

乙卯夜月犯太微垣左執法

丙辰釋建康人文嘉安置鳳陽初上謂李賢曰建康人與

故吳庶人允嬖媿屬濫繫且六十年親而亡罪朕不忍其久
繫賢頓首曰堯舜之心也皇天后土太祖在天之靈實臨

陛下遂白太后出之左右或言不可上曰有天命者任
為之乃居之鳳陽令有司月給米薪炭婚娶出入聽自便復
給火者二十人遣內使魯溥等六人守視使令又勅廷臣示
親之意建庶人幼澆繫出不辨牛馬尋沒

丁巳定京官科目三品工子孫許入國子監四品以下不允
戊午賜中外寺額四十所

己未保定侯梁瑋為總兵官鎮守陝西

庚申署遼東僉事都督僉事王祥卒光州人

十月癸亥署都督僉事黃鑑為叅將協督糧運

辰州衛胡官帶倭左都督克羅俄領占賜姓名羅秉忠

勅山東右布政使王宇撫恤饑民

甲子封左都督衛穎宣城伯迎駕功祿千一百石

鎮守浙江都督同知李信兼提督海道備倭及處州銀場

丙寅給兵部尚書陳汝言緹校出入有部吏被杖死妻遮道

稱冤汝言奏悉見刺也

此景石州

劉孝濶

戊辰設四川鎮夷堡

蠲萬全都司屯租

庚午命左僉都御史王儉賑徐州饑陞辭上曰徐州南北

要衝民艱朕惻然設心賑濟毋靳官廩

左都御史馬昂自山西回院

癸酉旌韓府襄陵王冲炆孝行

甲戌田州府頭目呂趙作亂掠南丹據向武命總兵官武進

伯朱瑛等討之

乙亥四干餘騎犯莊浪鎮守都指揮使魏榮以聞命鎮守

陝西保定侯梁瑤往蘭縣徵兵遏之時指揮宋欽援之敗績

丙子定文官封贈誥勅例一品四道二品三品三道四品至

五品二道

己卯夜月犯軒轅右星

辛巳報襄王膳塔曰茲予初度承惠多儀加以玲瓏碧玉之

帶書曰分寶玉於伯叔之國予施叔父且也乃承惠於叔父

敬酬白金采幣匪曰展親特表謝敬

夜大星青白光燭地自華蓋涿天鈞十餘小星隨之有聲隆

隆

己丑蠲濟南青東昌田租

庚寅故吏部左侍郎兼翰林院學士曹鼐加贈太傅吏部尚

書兼文淵閣大學士改謚文忠先謚文襄

是月賜中外寺額四十所

十二辰左都督曹欽封昭武伯

癸巳錦衣正千戶陳綱副千戶遠泉為指揮僉事

甲午夜金星犯鍵閉

丁酉大同知府李福進從三品俸

夜金星犯罰星

戊戌免山西行都司屯租

己亥錦衣衛指揮同知袁彬為指揮使

辛丑太傅吳遠侯柳溥為平大將軍總兵官右都督過興

都督同知雷通為左右副總兵武平伯陳友為游擊將軍往

陝西勦宣城伯衛穎為平羌將軍總兵官鎮守甘肅

丁未夜月犯軒轅御女星

戊申鞏昌衛指揮使種泰請率子弟六人自備械騎從征

許之

己酉太常寺少卿兼翰林院侍讀彭時進兼學士通政司左

叅議兼侍講呂原劉定之倪謙尚書司卿兼侍講林文李紹

俱為翰林學士尚書少卿兼編脩錢溥為侍講學士

夜月犯太微垣右執法星

庚戌命朵顏三衛入貢仍自喜峯口母道宣府

辛亥勅鎮守寧夏太監王清母採捕鷹豹

諭閣臣李賢上 母后尊號曰聖烈慈壽從之

壬子 上禱雪宮中

甲寅蠲山東各衛屯租十五萬六千一百四十五石

乙卯南京禮部右侍郎姚夔為禮部左侍郎

前左副都御史羅亨信卒亨信字用實東莞人永樂甲申進

士授工科給事中坐累謫吏交趾起御史薦進右僉都御史

練兵平涼有功改督宣大軍儲二十年己巳之變宣府幾不

守亨信坐南門令曰敢棄城者斬人心始固進右副都御史

明敏負才遇事敢任或廉謹不足云

黃佐曰土木之變社稷陷危宣府鎮節一移大羊必乘間

深入天下未可知也世謂亨信有安社稷功而忘者僅循

常例有遺恨焉雖然人臣事君內思盡志盡忠之謂忠外

思盡職盡職之謂功亨信亦惟盡其為臣者耳而奚期於

報也哉

丙辰夜金土二星合心宿

丁巳尚寶司少卿張信言蘓浙運從大江抵瓜州壩風濤多

險若從鎮江裡河少險水道徑平運舡易壞裡河自新港至
奔牛多淺窄誠跡淪於河通港口引江入灌便漕徙之令筦
河右僉都御史李秉浚鎮江河四十餘里
戊午仍給周王子墮歲祿二萬石

前南京戶部尚書沈翼卒翼字克敬山陽人宣德庚戌進士
授南京刑部主事改戶部轉餉麓川正統末進郎中尋進右
侍郎鎮臨清兼督漕歷尚書賑饑山東抵南京蓋祛宿弊平
居謙和及當官論事能執法也

戊寅天順二年

正廟申朔夜大星青白光自星宿派翼宿二小星隨之

辛酉科道劾兵部尚書陳汝言諸不法事廷臣奉詔鞠實命
錮禁之

丁卯曉刻金星犯建星

戊辰免山東被災處柴炭一年重者二年

徐州饑甚

科道劾定策伯郭登先鎮大同避難引疾賄陳汝言千金自

南京還朝下登獄宥死追其賄降都督僉事從征甘肅
石亨言五軍營軍物故老疾諸營當送補率不至臣請徑促
之使掌印官月至臣所聽勘從之
左僉都御史左鼎卒鼎字周器永新人正統壬戌進士授御
史巡山西賑山東河南七年進廣東左叅政未赴拜令官以
清勤稱其召用藉權論者惜之

夜月掩畢宿

辛未夜月犯井宿

甲戌 工南郊

丙子夜大星青白光自軫宿深游氣

丁丑夜月掩太微垣左執法星

己卯尊 皇太后為聖烈慈壽皇太后詔天下

庚辰廣西總兵官武進伯朱瑛平永福等賊陳公嘉等斬獲

千一百餘人

壬午辰刻大星赤光自雲中游氣

癸未朝鮮世子李暉卒立其次子暉為世子

甲申茂州同知汪浩為知州

丙戌禮部右侍郎章綸調南京

丁亥致仕左副都御史年富為南京兵部右侍郎初富忤石
彪罷或言其廉故任之

賑蘓州饑

己丑命皇太子候時和講學以刑科給事中王理言之
前太常寺卿兼翰林侍書程南雲卒南城人善書進

二庚寅朔命廣西總兵官武進伯朱瑛等勦大藤峽賊

辛卯揚州鎮江多江盜命太監吳昱右監丞王允中右副都

御史林聰錦衣衛指揮陳剛往捕之

壬辰毛憐衛都指揮使卽卜兒罕為都督僉事建州衛都督

同知董山為右都督

癸巳左都御史馬昂為兵部尚書

署太常寺事禮部尚書蔣守約卒且與人神樂觀樂舞生賜祭葬

甲午後軍都督同知馬政卒賜祭葬

乙未安南琉球等入貢

前山西按察副使韓雍為大理寺右少卿

戊戌南京大風拔木

己亥犯延綏都督楊信擊卻之

辛丑夜月犯軒轅

壬寅蠲寶坻及鳳陽淮徐田租

癸卯大理寺右少卿韓雍為右僉都御史

甲辰昏刻月食於翼宿遂犯右執法星

乙巳封都督同知楊信彰武伯為征副將軍總兵官鎮守

延綏

丁未大星青白光燭地自參旗流近濁

戊申夜大星青白光自弧矢流近濁又大星赤光自室宿派

近濁

庚戌遣官以江南折銀輸遼東宣府大同陝西各十萬永平

一萬易粟

禁官民服蟒龍飛魚斗牛玄黃等色

百戶童銘以冒功下獄石亨請釋從之

辛亥福建左布政使宋彰調廣東彰先坐鄧茂七事請驛丞

以赦還秩

命大同總兵官高陽伯李文游擊將軍定遠伯石彪領兵往

延綏會楊信等禦時大入延綏

夜大星赤光自亢宿派近濁

乙卯白虹貫日

丙辰賑濟州饑

夜大星赤光自太微東垣派左攝提一小星隨之

閏二月庚申夜大星青白色自北斗魁流上台

辛酉保定侯梁瑄仍鎮守陝西

磁州人訐奏廣西右叅政羅綺謗訕朝政命逮綺錮之獄籍

壬戌其家皇八子見治生宸妃萬氏出

甲子戒諭都察院

丙寅貴州右叅將右軍都督僉事張任卒

夜大星赤光自翼宿派近濁

己巳脩沙河行殿

壬申夜昏刻月犯太微垣右執法星

丁丑吏部尚書兼翰林學士李賢等請增定諸司職掌從之

丁酉千餘騎犯延綏高家堡楊信擊斬七十二級擒五人

己卯瘞土木暴骸

曉刻大星青白光自流五大餘

辛巳夜大星赤光自右旗流游氣

甲申都督僉事林宏守備莊浪

夜大星赤光自右攝提流天市西垣

三月己丑前尚書司少卿袁忠徹卒鄞人善相術
昏刻大星赤光自即位涿梗河一小星隨之

庚寅晡刻大星青白光自天中墜游氣

己亥復設河間長蘆鹽運司滄州分司

辛丑柳慶等蠻七千餘人攻博白及廣東化州都督僉事劉

玉等斬三百一級

壬寅宋讓嗣西寧侯宋誠弟

癸卯廣東左布政使陳文為詹事

廣東海盜四百餘人犯香山千戶所

乙卯宥都指揮孫顯宗罪時蒼頭私屢病商俱下法司論如

律

丙辰勅鎮守臨清平江侯陳豫東昌青萊故多安插夷人朕

念歲游饑民涿離困敝恐因而相聚為非勅至其往來飭兵

盜生剪之

太監阮安奏遣主事管理山東徂休等處泉源從之

四 朔午朔禳旱

復山東青登萊府管糧通判

壬戌命中官於浙江福建雲南開辦銀課

癸亥晉府大谷王鍾鉉薨年二十一謚懷僖

甲子昭武伯曹欽同督三千等營

召巡撫南畿右僉都御史李秉

乙丑皇太子初講學於文華殿

丁卯南京兵部右侍郎年富改戶部山西右叅政葉盛為右

僉都御史

發遼東官庫銀布給土兵

戊辰延綏總兵官彰武伯楊信游擊將軍定遠伯石彪搜黃

河上擒四人斬三級

己巳夜月犯亢宿

庚午戶部右侍郎年富巡撫山東

辛未浙江右布政使白圭為右副都御史贊理貴州軍務

癸酉東苗十三番賊首千把豬等僭稱偽號攻劫都勻等處

命湖廣貴州總兵官南和侯方瑛調兵勦之

進士姚景為工科給事中白昂為南京禮科給事中楊琮為

吏部主事

丙子太僕寺卿程信為左僉都御史

戊寅翰林院侍講周洪謨為南京翰林院侍讀署院事

戶部奏右副都御史林聰言山東諸郡縣逃亡死絕之數覈視皆實上曰稅糧草束急除之逃亡戶令有司盡心招撫已外尚賢司卿蕙翰林侍講黃諫為學士司安蕙編脩萬安李忝為侍講

右僉都御史葉盛巡撫兩廣

石康賊攻陷博白縣

辛巳濟南兗青蝗

乙酉敕曰近聞勲戚文武大臣中多有藏匿罪人者有令家人強占軍民田地造室私市詭名中鹽挾制官司者夫京

師天下本貴戚近臣四方視效欲無干朕憲在守位循禮矣此會昌侯弟顯宗姪璘令家人造房固市利朕不敢用外戚故屈法也諸臣有犯前所云者自首免罪不首自發者罰無赦家人投託人皆永戍邊

丙戌夜大星青白光自天墜涿北斗杓

五丁亥朔錦衣衛囚逸

署禮部事與濟伯蕙尚書楊善卒善字思敬大興人郡學生以靖難守城除燕府引禮舍人永樂初進鴻臚寺序班改鳴贊至寺卿正統戊辰進禮部左侍郎己巳以左副都御史守

門進右都御史明辛使瓦剌護駕歸及復辟封善能應對而
無學術外和中忤永樂時同廢吉士章朴下獄時禁方孝孺
集善詔朴借工之遂殺朴復善秩又媚王振至天順初招
權納賂上履跡之卒時或云于謙王文為厲年七十五贈祭
葬賜興濟侯謚忠敏

夜大星赤光自天市西垣外流天江星

戊子復張楷右僉都御史致仕

器皿厥火

庚寅鞏昌衛指揮使汪釗復鎮守沅州釗甚得番夷心後移

涼州仍復之

癸巳復舒伸行唐縣丞食從七品俸

召守備偏頭關右都督杜忠

甲午工思遠東右副總兵東寧伯焦禮懷柔伯施聚召一

見即回

夜大星赤光自中台流近濁

乙未蕪湖當塗繁昌懷寧等縣蝗

己亥夜月犯罰星

庚子前工部右侍郎張敏卒永清人

辛丑封公錫秦王鍾鑑慶成王公鑠興平王祁鈇南樂王祁
錕平鄉王遷塏岐陽王

壬寅處士吳與弼入朝授左春坊左諭德辭并封還勅幣不
許遂見之文華殿從容顧問上曰重卿學行特授宮寮煩
輔太子與弼終不受遂宴文華殿賜采幣羊酒薪米遣中
官牛玉送至寓舍

突犯涼州安遠侯柳溥等迎戰斬七級擒十一人明日復
追擊斬三十八級擒二十一人
陝西左布政使芮鈞山西山東右布政使陳翼王子俱為右

副都御史劉巡撫甘肅翼巡撫寧夏字巡撫宣府初工謂李
賢曰曩者奉迎之人紛然請革邊巡撫今聞武官貪縱暴橫
無所鎮壓之朕乃知其謬卿與馬昂王翱仍擇可者遂有是

命

夜月犯建星

丙午翰林院學士李紹為禮部右侍郎

金吾左衛帶俸都指揮使芮晟為後軍都督僉事

右僉都御史李秉巡撫大同

丁未召游擊將軍定遠伯石彪

庚戌監察御史孫珂錦衣千戶吳賢巡視居庸山海等關隘
甲寅鄧州知州崔富上瑞麥

夜大星赤光自天市派心宿

乙卯都督杜忠以貪污下錦衣獄

是月廣州肇慶江西大雨水萬全都司保安州大雨雹傷稼

六月己朔泰寧侯陳溼荒淫下都察院

戊午魏縣主簿吳理為縣丞

辛酉南京通政司左叅議李震為南京兵部右侍郎

前南京禮部尚書張惠卒德州人

貢士

壬戌通政司帶俸右叅議徐世英調南京

乙丑征南將軍雲南總兵官右都督沐璘卒璘昂之孫蔭雲

南左衛指揮僉事景泰初以都督同知代鎮喜讀書號令施

設有古儒將風自號東樓居士

丁卯占城入貢

巡撫山東戶部右侍郎年富改左副都御史江西左布政使

崔恭為左副都御史

前右僉都御史龍泉蕭啟居鄉不法逮之

己巳翰林庶吉士楊守陳為編脩

辛未安遠侯柳溥敗於涼州擒二十六人斬千四十二級
都督雷通自永昌來援值懷安站亦敗之斬七級擒十人
大雷雨良御縣草場災

乙亥徙山東降胡於南京

丁丑達官都督僉事胡朵兒哈賜姓名吳順

己卯雷震大祀殿鷓鴣吻

辛巳罷陝西布政司右叅政許彬

庚辰周府汝南王子坻薨年十七謚悼和

癸未增平陽太原通判各一專督民兵

七月亥逮前太平知府揭稽、出鄉人尚書何文淵之門文淵

自經稽奏其子南京禮部主事喬新等迫之脫禍喬新奏稽
撫廣東為黃瓠屬草俱逮訊釋之

戊子張瑾嗣太平侯張軌子

鎮守獨石右叅將都督僉事周賢出塞怯敵徵下錦衣獄

己丑夜大星赤光燭地自匏瓜流天市東垣

辛卯吳與弼固辭許之勅曰朕惟英君詎辟莫不好賢求士

聞爾與弼懷抱道德嘉遜林丘特行徵聘惠然肯來深慰朕

心用授春坊諭德煩輔東宮固辭難拒今仍遣行人送還故

里賜爾銀幣復命有司月給粟二石爾其優游桑梓尊仁樂義尚精力未衰尚無忘纂述輔教垂世以繼前賢時特聘物望殷重與弼錄少所見議論無異且稱石亨門下士人頗譏之或謂其歸後與弟訟田餘妣胡鐸嘗詣崇仁考其世系無嫡弟又奚弟父產而訟之乎

陸深曰薛文清與吳康齋嘗言夢見孔子朱子二公皆質實人雖無妄語然不書亦可也

王世貞曰薛文清之早退吳聘君之辭秩其猶知有幾乎文清賢者也聘君為行君子也其俱不足以有為於世明

也文清而不去且伴食矣聘君而不辭且株累矣

于慎行曰處士以虛名被徵為世所譏者一代有一人焉

漢之樊英唐之田游巖宋之种放我朝之吳與弼是也英

之徵也王良以書責之游巖之仕也將儼以書責之放之

匿情求名為杜鎬所譏與弼之實行不數為張元禎所鄙

高識深見之士有並世而立者奈何其可盜名而欺世耶

蔣儼之責游巖曰足下受調護之寄是可言之秋唯而

無一談悠以卒年歲嗟夫是歎言者豈惟游巖媿之乎

古士人多為汗浹

鄧元錫曰李文達使河東時聞薛文清語學心大動欲執
勢從受學以使事勿果乃心終不忘及見吳聘君降意推
挽即尹翰林讒弗二也終全其休、故好善優於相也
寧王奠塔嘗忤左布政使崔恭互訐奏遣太監懷忠按之奪
護衛改為南昌左衛隸都司

定遠侯石彪入朝墜幘及禮畢不入內班被糾不問禮科給
事中張寧劾奏

夜月犯亢宿

壬辰夜大星青白光自雲中流至濁

錦衣衛副千戶沐瓚為征南將軍右軍都督同知總兵官鎮
守雲南

己酉夜大星青白光自鉤陳流室宿

庚戌子備雷廉都督僉事歐信為都督同知副總兵鎮守廣
東召副總兵都督僉事翁信

命欽任右僉都御史張楷督理陝西軍餉賂曹吉祥再得任
命巡撫宣府大同右副都御史王宇右僉都御史李秉預收
糧芻儲急

甲寅刑部尚書薛希璉卒希璉麗水人宣德庚戌進士授御

史有聲歷刑部右侍郎巡撫淮鳳捕蝗賑饑復鎮福建平寇
至尚書其才足任所乏廉正之操卒賜祭葬

乙卯前右副都御史程富卒富歛人進士授御史巡江

西冒平盜功進大理少卿歷左右僉都御史叅贊陝西甘肅
督餉雲南至右副都御史雖有才而貪淫卒諭祭

二月己曉刻火星犯積薪星

庚申復蕪孔機永州司知

辛酉蘭縣以道梗命右都督馮宗都督僉事

以京兵

三千騎往尋還

游擊將軍武平伯陳友擊於鎮番敗之尾後擒三人斬三

十一級

夜大星青白光自羽林軍流近濁

乙丑暑光祿寺事右通政陳誠卒

丁卯右通政李素卒

戊辰首字來阿羅出等以二萬衆寇鎮番涼州安遠侯柳

溥等戰南樂堡黑山擒三十五人斬十一級

夜月犯壘壁陣曉刻火星入鬼宿

己巳進士遠芳為戶科給事中左贊為吏部稽勲主事

南寧伯毛勝卒初名福壽和寧王阿魯台之裔襲羽林前衛
指揮獲從征麓川進左府都督僉事充右叅將復征麓川進
都督同知以龍門功進左都督還守京門尋征湖貴叛苗功
封伯改名勝至是賜祭葬追封南寧侯謚莊毅
甲戌都督同知吳良調南京右府都督僉事王喜南京前府
乙亥立山川壇齋宮

丁丑廣西徭賊五千餘人掠賓州

己卯命閣臣作脩一統志

南京後軍都督僉事張通卒鳳陽人世天津衛指揮僉事歷

右叅將守大同與石亨俱鄭氏壻迎駕功欲以報辭之故改

南京云賜祭葬

辛巳成安侯郭晟卒

癸未犯昌寧鎮番

曉刻木星犯太微垣右執法

九朔戌夜大星赤光自天困流天倉二小星隨之

丁亥吳琮嗣廣義伯吳玘從弟

己丑夜大星青白光自天倉流近濁

癸巳都察院檢校陳典庸為陝西道監察御史往甘涼整飭

邊備以廣寧侯劉安薦其知兵
丁酉楊宗嗣興濟伯楊善子

大星青白光自井流太微西垣三小星隨之

戊戌命吏部推方面官每關其兩人俟擇

辛丑前刑部尚書軒輅為南京左都御史總督糧儲以李賢

薦其廉故召之

增順天府通判一專理軍政

夜月入畢宿

甲辰故工部尚書康汝祥孫健乞恩授通政司知事

乙巳夜大星青白光自閣道涿天津後三小星隨之

丁未、遯召安遠侯柳溥都督過興還京

戊申曉刻月犯靈臺中星

己酉都督僉事張義為征西將軍總兵官鎮守寧夏

甲寅昏刻金土二星會斗宿金星犯南斗杓

十月朔朔上屏左右問李賢政治得失賢極言官校出入逮

籍罪人之弊上密察果然召指揮使門達戒之曰敢有不

悛罪毋赦

丁巳守制鴻臚寺序班袁應讓乞贈父故尚寶司少卿忠愍

不許

刑部尚書劉廣衡予告

己未太白晝見昏刻月犯建星

庚申少詹事劉鉉卒鉉字宗器長洲人善書薦入翰林明年
舉於鄉授中書舍人博學能文章其自居閣如也脩兩朝實
錄成遷兵部主事仍內直又宣廟錄成進侍講特命教習

庶吉士進侍講學士同鄉楊侍郎薦以潛邸舊人見景帝

館於鉉嘗從容薦鉉可大用上然之鉉聞而自恨曰楊先

生館於我而累我如是乃陽為空暢以謝楊使他徒尋直日

講轉祭酒條教篤密以易儲時獨不預名憂去奪情不起服

除復秩天順初閱前蹤獨無鉉名心善之擢少詹事直講年

六十五贈禮部左侍郎賜祭塋謚文恭鉉於脩詞艱法取雅

潔每篇成必旬日而後出有假廢稿

劉鳳曰昔汲黯在九卿中謂能立懦非徒言論無所避也

即聞其風憚之所操裁異矣若公在當時以文學侍從無

所主守何以見謂剛特當其有所發使人不寒而栗至舉

動雖小必慎行已皆有尺寸寧避毋速利害藐不能易不

可謂誠直臣哉以所後死請難時故終其身不得追悔而

劉氏自是遂以忠義世其家雖稍陵遲子孫咸依以為重實
有所始之矣

辛酉詔以畿山東通租聽納豈

壬戌夜大星青赤光自紫微東藩派近濁二小星隨之

癸亥山東左布政使陸瑜為刑部尚書刑部右侍郎周瑄為

左侍郎

監察御史同安葉普亮奪人田宅娶族女為妾逮下錦衣獄

籍其家

夜大星青白光自軒轅派參宿

乙亥葭州學正羅中請禁各鎮守太監都督等聽訟禮部議
格之

丙子雲南左叅將都督僉事胡誌鎮守金齒騰衝

夜大星赤光自相星派北斗杓

丁丑、屢寇涼州永昌古浪莊浪山丹

戌寅 上幸南海

庚辰國子監學正閻高錫乞申洪武學規立武學 上然之

夜大星赤光燭地自天樞派至濁五小星隨之

辛巳連山賀縣獍賊劫江華縣境

壬午游擊將軍武平伯陳友為征夷將軍總兵官勦平寧夏
鎮守大同東路左叅將都指揮使張瑀為後軍署都督僉事
仍分子

禁番僧賣回販茶

南城知縣陳陞考滿入京言馬快等舡攬載私貨南京上新
河揚州淮安臨清河西務稅商之弊上是之

十月丁亥戒御史引疾歸省時御史予告鄉人多訐奏故禁之
戊子長至節各寺觀齋醮刑科給事中劉洙等奏斷獄忤旨
下錦衣獄

戊申分遣大臣禱雪於郊社山川

己酉南京戶部主事金鼎等培克選入京伏罪尚書張鳳奪

歲俸

庚戌夜客星芒五寸犯耀位

辛亥前右都御史洪英卒英字實天懷安人永樂己未進士

第一選館授禮部主事改吏部歷左副都御史巡撫山東景

泰壬申進右都御史撫浙課吏被劾去端重詳雅不失長者

誼云

壬子詔訪舉精通天文曆數地理課命之術送詣京師以欽

天監事禮部左侍郎湯序言

甲寅免濟南東昌青兗田租五十一萬一千三百餘石

十貳戊午奪安遠侯柳溥太傅閑任溥在西陲歛兵縱也

庚申句容縣丞劉義為知縣

壬戌夜客星没井宿

癸亥犯寧夏歸德口暖泉官軍射卻之

甲子中軍都督同知郭震卒

丙寅南京吏部左侍郎鄭泰卒泰字景陽舒城人永樂辛丑

進士授禮科給事中歷官雖無赫名才固足稱也賜祭葬

戊辰故國子祭酒李時勉孫恩乞入監特許之

己巳都督僉事宗勝巡按御史李敏奏開直沽河初大河衛

百戶閔恭言南京各衛漕舟三百五十艘輸薊州等衛越大

海七十里多險溺竊見新開沽河北距薊州直四十餘里且

水深間有阻隔若穿渠以通可無海患故勝等以為言從之

刑部尚書劉廣衡卒廣衡字克平萬安人甲辰進士授刑部

主事歷郎中有能名進陝西按察副使民鮮冤獄進右布政

使景泰初擢左副都御史鎮陝西言事多採用還佐院錄囚

南京討閩浙寇尋提督遼東軍務天順初改刑部左侍郎至

尚書通敏守法不立崖異時以詩稱

丁丑肇慶府同知既秉鑑為知府

出帑金召商納草

戊寅免開封汝寧懷慶衛輝去年災租七萬一千四百六十

四石

庚辰罷舉經明行脩賢良方正儒士以奔疏兄濫也

壬午廣西流賊四千餘人陷連山縣掠陽山連州

癸未脩彭縣萬工堰

三萬餘騎犯延安邊營

武強縣苦井倏甘冽

前右春坊右庶子兼翰林院侍講趙恢卒連江人宣德癸丑進士

是年命左副都御史崔恭浚吳淞江分三縣崑山自夏界口

至白鶴江四千六十七丈上海自下家渡四千六十七丈嘉

定自下家渡至莊家涇五千五百六十七丈各深丈有一尺

博十大二尺出舊江萬七千七百一丈

己卯天順三年

正月酉夜大星赤光燭地自文昌派紫微一小星隨之

丙戌命法司錦衣衛秘獄母泄

悟玄養素凝神冲默闡教振法通妙真人即以正值宴致之

母殿上

撞賊破錦田千戶所

庚寅國子監祭酒陳詢致仕

辛卯夜月犯宿火星犯軒轅木星犯左執法土星犯建星

癸巳夜大星青赤光自河鼓派天市垣

乙未上南郊

僧錄司右覺義兼智化寺住持然勝乞故太監王振贈諡命

議之

捕蝗種於山東河南兩畿

丁酉夜大星青白光自河鼓派游氣月犯軒轅

辛丑夜月犯平道東星

甲辰入安邊營總兵官定遠伯石彪等擊敗之轉戰六十

里斬平章鬼力赤擒四十七人斬五百一十三級畜產二萬

餘都督僉事滁州周賢中派矢死焉又入把都河把總指

揮伯賢擊斬一級被圍都指揮李鑑陷沒贈賢都督同知賜

崇堃子玉襲陞都指揮同知
暫停南京官吏食鹽資餉

夜大星青白光燭地自紫微西籜派天鈎

丁未夜月犯鬼宿又大星青白光自星宿派游氣

己酉夜大星赤光燭地自雲中流北斗魁

壬子安遠侯柳溥閑住進馬駝卻之

癸丑慶遠府同知葉禎率民兵擊賊死之禎字夢吉高要人

宣德乙卯貢士歷潯州鳳陽慶遠同知劇盜韋父強悍嘗計

擒之未幾賊圍旗山趨敗之子公榮死賊又攻雞刺等寨禎

請守備都指揮黃越出戰越同知府黃振飲酒詆禎激變禎

怒揮土兵三百人赴之行至柳青舖伏發殲焉蓋忌者泄師

故甚敗嶺南故無雪是日大雪雨雪尺許賊駭遁黃越果誣

禎激變群人不勝情走想右僉都御史葉盛以聞於朝贈朝

列大夫廣西布政司右叅議制曰蘓絨擊智高於雖管偕孫

子以捐軀馬暨控海牙於靜江傾將士而絕命禎之節義奚

讓古人立祠慶遠

何喬遠曰孔鏞陶成毛吉葉禎並有功嶺南毋論事濟不

濟毛吉至死心事皦如禎一門子姪遇害制書比之蘓絨

馮暨信夫

夜大星赤白光自牛宿派近濁

二明寅朔命遠東右叅將都督僉事劉端春夏駐遠東都司秋

冬回廣寧

禁陝西各邊官占據草場

兩廣盜蜂起特禁有司貪恣貽害

乙卯儒士楊仕俊為中書舍人

楊崇孫

夜大星青白光自翼宿流至濁

辛酉巡按四川監察御史周必兆枉道還安福被訐削籍

甲子免真定廣平去年灾租二萬五百八十餘石

夜月掩軒轅御女星

乙丑郭昂嗣成安伯郭晟弟

丙寅監察御史呂洪同內官採珠雷廉

戊辰國子司業魯暹致仕

己巳總兵官定遠伯石彪回大同

庚午建州等衛野人頭目乞貢回道買牛耕種從之

壬申翰林院編脩吳滙為國子監司業

夜月犯罰星

癸酉夜月犯南斗

乙亥開建州衛都督古納哈董山等私謁朝鮮受賜拜中樞
密使特勅諭國王李璵以禮科給事中張寧錦衣衛指揮僉
事武忠往

進士柳瑛石澄為戶刑科給事中

己卯琉球入貢

通事指揮僉事哈銘降副千戶謫貴州衛銘侍北狩及復辟
嘗擅入內府乞陞命銅之錦衣獄所善達官也先帖木兒伺

上幸曹吉祥乞禱釋獄上怒銘保銅也先帖木兒

林之盛曰哈銘雖裔夷能與袁彬一心保護共濟艱危且
開諭伯顏首啟左賢海潮大魚之喻卒返乘輿功不亦偉
哉借使漢公卿得援金日磾故事而斟酌其罪不沒其美

謂非懷敵拊遠之一事用夏變夷之文德也耶

庚辰武安侯鄭宏下獄宏清明謁陵道獵歸馳神道也

增通州大運倉

辛巳左順門門正忽思忽言臣海西女直人姪佟預知書求
入國子監許之

禁翰林院譯字生泄事

壬午增鄉會試詩書易房同考官各一人
夜大星青白光自文昌派近濁

是月巡撫遼東左僉都御史程信使自在知州佟成託他事
至建州境同董山潛結朝鮮事境上得朝鮮董山正憲大夫
中樞院使制書 上命 科給事中 詰朝鮮錦衣衛

往建州皆謝罪

三朔未朔巡撫大同右僉都御史李秉下錦衣獄秉行事勤正
諸將皆不便之會守備天城奉御陳例久病秉請代以長隨
羅副 上怒秉專擅下詔獄門達言秉先巡撫南畿妄薦歐

陽熙史宗禮為御史李周等解罪而又有言秉不容山西都
指揮僉事孫瑛治司事擅退指揮使徐旺領騎操收山西所
解山西瘡病馬欲令守墩卒臺六月一更 上俱命達按

刑部秉當徒贖特削籍

甲申勅諭建州左等三衛右都督董山都督同知古給哈納
訥哈等以私款朝鮮爾宜自省

左都督劉深為征蠻將軍總兵官鎮守廣西

乙酉祭故武平伯陳友友擊於鎮番衛敗沒

戊子昏刻月祀井宿

前翰林院侍讀尹鳳岐卒鳳岐吉水人永樂戊戌進士選館
歷編脩撰文思敏贍性剛直持論侃見忤時貴以刺員
需次終士論惜之

己丑左叅將都指揮僉事胡鏞為總兵官鎮守薊州永平
壬辰增建南內翔鳳等殿拓之

甲午夜月犯太微垣左執法星又大星赤光自天市西垣流
宿

乙未河南左布政使胡本憲按察使王棨經歷褚宣真定知
縣王徽井陘知縣陳璘常德推官李綸俱卓異賜誥勅

丙申進士楊繼宗為刑部主事

庚子昏刻大星青白光自中天流十大所三小星隨之夜月
犯建星

癸卯召定遠伯石彪武平伯陳友
大理寺卿李賓畏母許奔喪還任

甲辰朵顏衛都督同知朵羅干為右都督
戊申廣西蒙峒苗三千人派劫靖州綏寧守備都指揮汪迪

擊斬六十六級

庚戌湖廣布政司左叅議劉益為國子祭酒

四月子朔巡撫兩廣右僉都御史葉盛奏灤水縣撞賊鳳弟吉
糾廣西盜恣掠擊敗之擒鳳弟吉等十五人斬三百三十級
癸丑夜大星赤光燭地自左旗涿女宿

丁巳 秀王冠

辛酉李賢言「苗李來懼不敢貢窮益入犯耳出榜招諭或
給食俾悔過進貢如其頑不悛出兵未晚」上然之

賜 東宮及諸王庄田

癸亥閉青田縣銀坑其景寧縣採辦如舊

金星晝見

己巳定遠伯石彪進封定遠侯武平伯陳友進封武平侯各
祿百石甘肅副總兵都督同知毛忠右叅將都督僉事李榮
為左右都督

南和侯方瑛右副都御史白圭等勦東苗克之斬四千七百
九十級俘二犯豬等二十人於京師擒三百三十人

右僉都御史張楷回自陝西調南京

廣西涿賊糾廣東懷集縣撞賊陷開建縣

辛未桂林梧潯等徭獍苗賊出掠勅鎮守兩廣左少監阮能
朱詳總兵官左都督劉深副總兵都督同知歐信等協勦

癸酉金星晝見夜土星守犯建星

甲戌起復巡撫陝西延綏右僉都御史徐瑄

逮雄縣知縣秦紘錦衣獄時奉御杜堅獵天鵝拒之堅訴于

工被逮邑人數十訟寃釋之調知府谷縣

丙子進士楊璣為吏部主事

戊寅都督同知雷通卒無為人

己卯夜火星犯靈臺工星

五月午朔翰林編脩馬昇檢討傅宗為雲南布政司左右叅議

五經博士鮑相為福建都轉運鹽使餘外補有差初陳循等

舉昇輩於詞林皆不由科第率純鄙李賢以脩一統志非科

第俱外之

甲申禁商旅以違禁物貿易諸夷

丁亥命都督顏彪率京兵赴鴈門關備胡

勇士都指揮使馬良為都督僉事

庚寅夜月掩平道西星

癸卯昏刻火星犯太微垣右執法星

丙午南京工部右侍郎龍文卒泰和人

進士

丁未郭昌嗣武定侯郭英孫

金谿知縣吳禎為監察御史協贊廣西軍務

已酉上語李賢以迎復事賢曰迎駕則可奪門非所以示
後世內府之門可言奪耶奪門者自大其功耳景泰不諱天
下非陛下而誰陛下復位百辟奉迎者舊在列無功可
賞無罪可僇豈復以群小為朋招權納賄殃及忠良上干天
象者哉易曰開國承家小人勿用此之謂也 上太是之

談遷曰石亨等俱粗才貪天之功幸而集事迎駕可也倡
為奪門必徐武功張其說當時禁衛沉虎旅順命未嘗
奮韓通之烈抗北軍之勢也何言奪門哉南陽一言悟

主不帝啟沃自是弁鷓絀賢路澄矣

曉刻金星犯畢宿

前南京國子祭酒陳敬宗卒敬宗子光世慈谿人永樂甲申
進士授刑部主事改侍講宣德初進南京國子司業累祭酒
十五年師道嚴重動止有常一語不妄諸生雖登顯要來謁
猶執故禮不敢失敬學善書片章尺楮皆闕名教年八十三
賜祭

廣西涿賊破容縣掠潯梧柳慶南寧諸郡縣
六月亥朔建州右衛都督同知納即哈為右都督

戊午滿刺加國王子蘇丹芒速沙入貢

己未刑科給事中劉洙為應天府丞山東按察副使項忠為

陝西按察使

庚申夜月犯氏宿

辛酉，遁召還顏彪

命巡撫官以歲一月赴京師議事

乙丑起復通政司左叅議楊穉

丁卯下陝西道監察御史何楚英錦衣獄以巡光祿寺斃奸

役朱氏法司議贖杖還秩竟械都察院前三月謫平南縣主

簿

戊辰免開封去年災租四萬九千八百餘石

辛未昏刻木星犯太微垣右執法星

七 庚辰朔工部侍郎翁世資都督僉事趙輔運徐州夾溝呂梁

三堡積水

辛巳杭州同知馬偉為處州知府

禁浙直緣海軍民以大舟持兵下海

壬午勅戶部主事李璵同進士徐源覈四川行都司及松潘

倉糧

癸未蠲常德襄陽荆黃去年災租萬八千六百六十二石有

奇

丁亥翰林院侍讀學士錢溥侍講萬安主試應天

戊子封增瀋王奇源晉世子奇漢義寧王子埒臨汝王同鏡

睢陽王成鏗和川王遜埏弘農王

己丑泰寧衛都督僉事董干帖木兒為都督

禁湖廣人通番僧販茶

庚子錫蘭山國王葛力生夏刺昔利地交刺惹入貢

壬寅夜月掩旱霜

河南道監察御史劉泰卒泰海鹽人景泰辛未進士選庶常

任御史

己酉南和侯方瑛攻東苗克二百三十四寨斬二千三百六

十七級擒首從四百六十三人

思恩土官廣西右叅政岑英改都指揮同知薊徵
監察御史劉濬巡按甘肅託疾請縣主簿

八廟戎朔定遠侯石彪下錦衣獄彪在大同領左副都御史年
富又教侮總兵官李文總兵官以彪欲城威寧海子為深言
誣其異志上因疑彪乃令大同千戶楊斌等五十三人

詣闕乞留彪鎮守上覺其詐會北人貢羅拜彪於朝稱

石王益疑之下彪獄鞫斌等果受指使

丁巳翰林院學士劉定之悅謙主試順天

昏刻月犯南斗夜大星青白光自紫微西藩派北斗杓

已未勅曰我太祖高皇帝立綱陳紀照臨天下諄諄誥戒

董正百官製鉄榜以諭功臣當時臣下凜凜近來勳戚府部

院寺等大臣及近侍官多不遵禮禁私相交往甚其阿勢泄

事因而結構百端如定遠侯彪圖謀鎮守令指揮等官假進

奏詞事發被劾輒有近侍潛報消息官之不正無此為甚今

後爾文武大臣無故不許往來給事中御史亦不許私謁大

臣敢有阿附漏泄輕則發戍重處死錦衣衛指揮親軍近侍

尤不合與諸臣交通他衛指揮以下非出征時毋輒候候公

門違者如鉄榜處治

勅鎮守浙江江西太監盧永葉達福建少監馮讓選良家子
娶婦知書教者充女官六尚

夜月犯建星

庚申田州府頭目呂趙設知府岑鑑

甲子禁福建人聚衆販鹽

以雨淮餘鹽十萬引充陝西邊餉

丙寅科給事中陳嘉猷行人彭盛往封故滿刺加國王子

蘓丹芒達沙為國王并祭故國王運魯檀無答佛那沙

丁卯日色如赭夜月亦如之

戊辰遣左僉都御史王儉錦衣衛指揮僉事速果往大同執

都指揮使朱諒等七十六人械治京師以附定遠侯也

辛未召致仕戶部左侍郎孟鑑調南京工部

蠲杭衢台嘉興紹興金華今年旱災田租

壬申脩武伯沈煜刑科給事中王儼以封藩王受餽上遣

校尉覘得之逮下獄煜奪歲祿儼謫郊城主簿

乙亥書告宗室諸王曰正統初勅朝使無得需索王府物犯

者處死家及邊嚴矣脩武伯沈煜給事中王儼近復玩無忌

王府資費有限豈堪如此念我親族申明舊例後有違至者

飲饌之外毫無與也

蠲武昌長沙岳黃衡永辰漢陽寶慶常德今年水旱田租
丙子免河間今年夏麥萬五千九十四石有奇

己卯調石亨黨都指揮僉事石寧等五十六人於外衛凡附
亨進者皆貶斥之

九朝已濟源縣進瑞粟

夜大星青白光燭地自關丘派近濁後三小星隨之

甲申廣西派賊犯廣州界命右僉都御史葉盛并總兵鎮守
等官調度所在官軍土兵勦之

辛丑起復巡撫延安右僉都御史徐瑄

癸卯巡按山東監察御史田景賜還朝劾御史下獄

夜大星青白光自昴宿派姜宿

乙巳免濟南東昌青去年夏稅十一萬三千八百四十餘石

夜金木星會角宿

丙午建安縣老人賀煬言四事曰近縣令監生多近六十歲

日暮貪冒今後縣令必科甲監生年壯者試而銓之曰景泰

間錄顏孟程朱之裔授翰林博士官而未祿宜各給本俸曰

忠肅公黃幹文簡公劉燾文正公蔡沉文忠公真德秀宜侑

朱文公祠曰義民出粟濟饑宜跡饑民姓氏驗義倉給放俱議行之

丁未夜大星青白光自天苑派近濁一小星隨之

十月酉朔夜大星赤光自參宿派雲中

庚戌陝西道監察御史何楚英杖斃

昏刻大星青白光燭地自危宿派游氣夜大星青白光自天

廩派天既

癸丑代府廣靈王遜帳薨年五十一謚榮

召懷來永寧右叅將都督僉事姚貴守備代州署都指揮僉

事李端守備偏頭關都指揮同知袁勝俱石亨姻

甲寅勅贊理貴州軍務右副都御史白圭巡撫湖廣

夜大星青白光自天倉派壘壁陣曉刻金星犯亢宿

丙辰都指揮僉事徐福等戍柳州衛以大同四衛官折俸布

紉之石彪

夜大星赤光燭地自天航流北斗杓

丁巳夜大星青白光自軒轅派太微西垣

己未 上幸南苑

前南京太僕寺卿仲昌卒沐陽人永樂二年進士

壬戌鄆城訓道黃巖盧欽請追修吏部尚書王直及陳循等
為亂賊戒命下欽錦衣獄蓋謁選不得南關故也命削欽籍

甲子夜月犯畢宿

丙寅夜月犯井宿

戊辰夜月犯鬼宿

己巳令右僉都御史韓雍奔母喪赴任起復右副都御史林

聰

命忠國公石亨閑住初亨恃功凡奪門迎駕者出自亨口皆

得官前後四千人文武競趨其門賂至乃白上學士大夫

稍有嫌輒得罪久之上漸厭亨其始有請盡見從之何可

一丸矣又亡何可四五又亡何可一二耳於是命閣者曰總

兵不可輒至禁廷非有詔毋內也然亨雖驕恣尚粗豪直燕

軒豁無機定遠侯險^處請於詔矣錦衣衛指揮僉事達果與指

揮使門達始用亨進至是乃自異達等治彪獄得其繡蟒龍

衣違式寢床亨和遣義男後衛指揮同知裴瑄出居庸市木

兵部召瑄不得向亨索亨佯不知果使人自大同械至彪弟

慶教自居庸抵大同擅乘官馬索官司飲饌不當意罵參將

張鵬等如奴隸彪在大同代王增歲祿彪言王臣與父亨為

王請王長聽謝彪因索王伎奉酒博野王生子彪賀王延款
至暮送青囊等物彪還京師隰川王遣其長子携酒禮送錢
玉林衛軍一女美彪強汙之取至其家十日軍人且告彪繫
之獄竟瘦死於是法司錦衣衛并劾亨 上命亨閑住許冒
奪門陞官者自首改正敢隱者罪凡首改四千餘人
辛未唐王芝壩進白鹿書謝之

前巡撫山西右僉都御史蕭啟卒於龍泉人 進士授御
史巡歷有聲進山東按察僉事憂去已亡起都御史嚴正自
持行事周密人皆憚之

壬申夜月行太微垣中

乙亥科道劾石亨宥罪不謝心懷怨望乞正其罪 上置之

戊寅夜大星青白光燭地自八穀深閣道

安南臣黎淙弒其主濬而自立僭號天興淙濬之庶兄

是月淮揚巡撫滕昭言建庶人吳庶人俱安置鳳陽官軍巡

折聲聞陵寢或事出意外乞移鳳陽廢中書省嚴防 上不

聽

十 貳癸未南和侯方瑛卒瑛全椒人襲 衛指揮使從征麓

川破獲賊歷都指揮使都督僉事充叅將守備雲南孟養戰

勝景泰初以都督同知鎮貴州敗苗進右都督總兵官征香
爐山賊進左都督五年封六年征銅鼓五開斬獲功多留鎮
貴州天順初論功進侯予世伯謙和不務蕪介若怯至行師
則紀律明賞罰信臨陣勇決尤善撫士卒西陽夷人深德之
賜祭墓謚忠襄

乙酉曹州學生徐舟上萬壽頌

夜大星青白光燭地自天赤深句陳三小生隨之

壬辰命設策賑長沙常德辰永衡岳又銅鼓五開等衛饑民
乙未減饒州陶器八萬時光祿寺議造十三萬三千有奇

丙申山東帶俸都指揮僉事欒敬防盜沂州

己亥下中軍都督同知楊旺戶部侍郎楊鼎等錦衣獄以

祀陵不謹也旺在獄自刎死

癸卯蠲真定去年災租九千五百石有奇

丙午徵巡撫遼東左僉都御史程信以胡本惠為左副都御
史代之

戊申召高於京師各場納草

鎮守廣西總兵官左都督劉深卒合肥人

壬辰丙辰河南左布政使胡本惠為左副都御史巡撫遼東

飭邊備

設四川灌縣太平堡通董卜韓胡宣慰司

夜月犯天廩星

庚申吏部右侍郎張用瀚調陝西布政司右叅政刑部右侍

郎黃仕儒調廣西布政司右叅議俱賂石亨進

蘓州知府楊貢削籍常熟錢暉納貨官浙江都司歷家居

僭侈貢收暉奏其罪暉亦誣貢酷害俱遠入京暉蒙而譴竟

計脫反坐貢

進士石後以從祖亨得疾家居不之獄削籍

建安老人賀煬請嚴選教官以肅黜從之

癸亥夜月犯鬼宿曉刻木星犯房宿

丁卯右軍都督同知劉紀改任仍署都

戊辰錦衣衛指揮僉事遂泉為指揮同知

昭武伯曹欽請辭爵不允

壬申蠲宜山縣田租三千五百一十石有奇

癸酉南京吏部右侍郎蕭璠調湖廣布政司右叅政刑部右

侍郎朱銓調貴州布政司右叅政大理寺右少卿翟欽太常

寺少卿王謙調惠州夔州知府俱賂石亨進

乙亥湖廣左叅將都督將軍李震為平蠻將軍總兵官鎮守

湖廣貴州

丙子增大木廠舍

選三千營卒百人充御馬監勇士飼鷹

丁丑，首序來以二萬人掠榆林次於沙山勅選將嚴備

是月兩廣總兵官會兵蕪州勦賊，深入貴州陷四宜所城

念棚

聖